

彊邛叢書





夢窗詞集目錄

瑣窗寒

尉遲杯

渡江雲三犯

三部樂

霜葉飛

瑞鶴仙八

滿江紅二

解連環二

夜飛鵲

一寸金二

繞佛閣二

拜星月慢

水龍吟九

玉燭新

解語花二

慶春宮二

塞垣春

宴清都六

齊天樂九

丹鳳吟

掃花遊

五

應天長

風流子

二

過秦樓

法曲獻仙音

二

還京樂

塞翁吟

二

丁香結

六幺令

蕙蘭芳引

隔浦蓮近

垂絲釣近

荔枝香近

二

西河

浪淘沙慢

西平樂慢

瑞龍吟

三

大酺

解蹀躞

倒犯

花犯

二

蝶戀花

二

浣溪沙

八

玉樓春

二

點絳脣

三

秋蕊香

二

訴衷情

四

夜遊宮

二

醉桃源

四

如夢令

二

望江南

二

定風波

二

月中行

虞美人

二

菩薩蠻

二

賀新郎

二

江城梅花引

婆羅門引

二

祝英臺近

五

西子妝慢

江南春

夢芙蓉

高山流水

霜花腴

澡蘭香

玉京謠

探芳新

鳳池吟

暗香

暗香疏影

念奴嬌

惜紅衣

江南好

雙雙燕

無悶

水調歌頭

洞仙歌

秋思

江神子

沁園春

六

二

珍珠簾

風入松

五

鶯啼序

天香

三

二

玉漏遲

金縷子

二

永遇樂

三

玉胡蝶

絳都春

六

惜秋華

五

惜黃花慢

二

十二郎

醉蓬萊

燭影搖紅

七

醜奴兒慢

二

木蘭花慢

七

喜遷鶯

四

探芳信

五

聲聲慢

九

高陽臺

五

倦尋芳

三

三姝媚

三

畫錦堂

漢宮春

三

秋霽

花心動

二

龍山會

八聲甘州

三

新雁過妝樓

淒涼犯

尾犯

東風第一枝

夜合花

探春慢



夢窗詞集

四明 吳文英 君特

瑣窗寒

無射商俗名越調犯中呂宮又犯正宮

玉蘭

紺縷堆雲清顯潤玉汜人初見蠻腥未洗海谷一懷悽  
惋渺征槎去乘闌風占香上國幽心展口遺芳掩色眞  
姿凝澹返魂騷畹一盼千金換又笑伴鴟夷共歸吳  
苑離煙恨水夢杳南天秋晚比來時瘦肌更消冷薰沁  
骨悲鄉遠最傷情送客咸陽佩結西風怨

汜人

原鈔汜作記毛本同  
从杜文瀾校

海谷

毛本海作梅按谷疑客誤

遺芳

原鈔遺上

未空格毛本同  
从張仲炘校

尉遲杯

夾鍾商俗名雙調

按清真集作大石

賦楊公小蓬萊

垂楊徑洞鑰啟時遣流鶯迎涓涓暗谷流紅應有緗桃  
千頃臨池笑靨春色滿銅華弄妝影記年時試酒湖陰  
褪花曾采新杏 蛛窗繡網立經纔石研開奩雨潤雲  
凝小小蓬萊香一掬愁不到朱嬌翠靚清尊伴人閒永  
日斷琴和棋聲竹露冷笑從前醉臥紅塵不知仙在人  
境

湖陰

原鈔湖作新毛  
本同从詞綜

渡江雲三犯

中呂商

西湖清明

羞紅顰淺恨晚風未落片繡點重茵舊隄分燕尾桂棹  
輕鷗寶勒倚殘雲千絲怨碧漸路入仙隄迷津腸漫回  
隔花時見背面楚腰身 逡巡題門惆悵墮履牽縈數  
幽期難準還始覺留情緣眼寬帶因春明朝事與孤煙  
冷做滿湖風雨愁人山黛暝塵波澹綠無痕

緣眼

寬帶

塵波

毛本緣作寬寬帶  
作帶眼塵作澄

三部樂

黃鍾調俗名大石  
按調當  
作商

賦姜石帚漁隱

江鷗初飛蕩萬里素雲際空如沐詠情吟思不在秦箏  
金屋夜潮上明月蘆花傍釣蓑夢遠句清敲玉翠罌汲  
曉欵乃一聲秋曲 越裝片篷障雨瘦半竿渭水鷺汀

幽宿那知煥袍挾錦低簾籠燭鼓春波載花萬斛帆鬣  
轉銀河可掬風定浪息蒼茫外天浸寒綠

際空

原鈔空作雲从毛本

如沐

毛本沐作沫

傍釣蓑

原鈔傍字越裝脫从毛本

句

毛本作片篷障雨乘風

鷺汀

帆鬣轉

原鈔鷺汀作伴汀鷺轉作搏並从毛本

霜葉飛

大石

重九

斷煙離緒鬪心事斜陽紅隱霜樹半壺秋水薦黃花香  
暎西風雨縱玉勒輕飛迅羽淒涼誰弔荒臺古記醉蹋  
南屏綵扇咽寒蟬倦夢不知蠻素聊對舊節傳杯塵  
牋蝨管斷闕經歲慵賦小蟾斜影轉東籬夜冷殘蛩語  
早白髮緣愁萬縷驚颿從捲烏紗去漫細將茱萸看但

約明年翠微高處

瑞鶴仙

林鍾羽俗名高平

淚荷拋碎壁正漏雲篩雨斜捎窗隙林聲怨秋色對小山不送寸眉愁碧涼欺岸幘暮砧催銀屏翦尺最無聊燕去堂空舊幕暗塵羅額行客西園有分斷柳淒花似曾相識西風破屐林下路水邊石念寒蛩殘夢歸鴻心事那聽江村夜笛看雪飛蘋底蘆梢未如鬢白

題

原鈔作秋感毛本同詞綜無題据刪鄭文焯曰宋

人詞不盡標題自分類本行世如花庵詞選草堂詩餘輒增春景秋情諸目取便依時附類當筵稟唱而已毛本甲乙二稿無一詞無題者其中秋感春情春晴夏景及有感慨諸題凡二十餘見猶踵其習應一律刪去今从其說

又

晴絲牽緒亂對滄江斜日花飛人遠垂楊暗吳苑正旗  
亭煙冷河橋風煥蘭情蕙盼惹相思春根酒畔又爭知  
吟骨縈消漸把舊衫重翦淒斷流紅千浪缺月孤樓  
總難留燕歌塵凝扇待憑信拌分鈿試挑鐙欲寫還依  
不忍賤幅偷和淚捲寄殘雲賸雨蓬萊也應夢見

題

毛本作春感

吳苑

毛本吳苑作芙蓉

又爭知

淒斷

原鈔知作如淒作漢毛本

同竝从陽春白雪

又

贈絲鞋莊生

蕩心抽瑩繭引翠針行處冰花成片金門從迴輦兩玉  
鳧飛上繡絨塵軟絲絢侍宴曳天香春風宛轉傍星辰

直上無聲緩躡素雲歸晚 奇踐平康得意醉蹋香泥  
潤紅沾線良工詫見吳蠶唾海沈檀任眞珠裝綴春申  
客屨今日風流霧散待宣供禹步宸遊退朝燕殿

奇踐

海沈檀

毛本奇踐作  
奇迹檀作檀

裝綴

原鈔裝作妝毛本  
同从南宋雜事詩

注春申

毛本申  
作中

待宣供

宸遊

原鈔待作侍毛本同  
宸作晨毛本作辰竝

从南宋雜  
事詩注

又

丙午重九

亂紅生古嶠記舊遊惟怕秋光不早人生斷腸草歎如  
今搖落暗驚懷抱誰臨晚眺吹臺高霜歌縹緲想西風  
此處留情肯著故人衰帽 聞道萸香西市酒熟東鄰

浣花人老金鞭驀裏追吟賦倩年少想重來新雁傷心  
湖上消滅紅深翠窈小樓寒睡起無聊半簾晚照

題原鈔作秋亂紅

故人

毛本紅作  
雲人作山

又

壽史雲麓

記年時茂苑正畫堂凝香璇奎初煥天邊歲華轉向九  
重春近仙桃傳宴銀罌翠管寶香飛蓬萊小殿荷玉皇  
恩重千秋翠麓峻齊雲漢須看鴻飛高處地闊天寬  
弋人空羨梅香水煥茗谿上幾吟卷筭金門聽漏玉墀  
班早贏得風霜滿面總不如綠野身安鏡中未晚

題毛本作壽

茂苑

正畫堂

小殿

荷玉皇

地



澗 茗谿上 班早 滿面毛本茂苑作秋半正作看殿作苑荷作感地作

野上作畔早作平面作臉

又

癸卯歲壽方蕙巖寺簿

輓轡春又轉記旋草新詞江頭憑雁乘槎上銀漢想車  
塵纔蹋東華紅輓何時賜見漏聲移深宮夜半問尊鱸  
今幾西風未覺歲華遲晚 一片丹心白髮露滴研朱  
雅陪清宴班回柳院蒲團底小禪觀望采恩明月初圓  
此夕應共嬋娟茂苑願年年玉兔長生簪秋并幹  
題原鈔無癸卯歲三字春又轉 東華毛本春作紅  
毛本同从鐵網珊瑚  
輓原鈔紅作漏聲句原鈔聲作夜从毛本毛露滴  
塵原鈔紅作  
毛本

明月

毛本露滴作  
滴露明作朗

此夕

鐵網珊瑚  
作午夜

又

餞郎糾曹之嚴陵

分韻得直字

夜寒吳館窄，漸酒闌燭暗，猶分香澤。輕帆展爲翻送，高  
鴻飛過長安。南陌漁磯舊迹，有陳蕃虛牀挂壁，掩庭扉  
蛛網黏花細，草靜搖春碧。還憶洛陽年少，風露秋繁，  
歲華如昔。長吟墮幘，暮潮送富春客。筭玉堂不染梅花  
清夢，宮漏聲中夜，直正逋仙清瘦。黃昏幾時覓得。

又

贈道女陳華山內夫人

彩雲棲翡翠，聽鳳笙吹下飛駟。天際晴霞翦，輕袂澹春

姿雪態寒梅清泚東皇有意旋安排闌干十二早不知  
爲雨爲雲盡日建章門閉 堪比紅綃織素紫燕輕盈  
內家標致遊仙舊事星斗下夜香裏□華峰□□紙屏  
橫幅春色長供午睡更醉乘玉井秋風采花弄水

紫燕

原鈔燕字  
脫从毛本

華峰

原鈔二字上下未空  
格毛本同从詞綜

紙屏

按前  
七闕

是句首字皆平  
聲紙疑低誤

滿江紅

夷則宮俗名仙呂宮

澗山湖

雲氣樓臺分一派滄浪翠蓬開小景玉盆寒浸巧石盤  
松風送流花時過岸浪搖晴練欲飛空筭鮫宮祇隔一  
紅塵無路通 神女駕凌曉風明月佩響丁東對兩蛾

猶鎖怨綠煙中秋色未教飛盡雁夕陽長是墜疏鐘又  
一聲欸乃過前巖移釣篷

晴練

原鈔練作棟毛  
本同从詞綜

又

甲辰歲盤門外寓居過重午

結束蕭仙嘯梁鬼依還未滅荒城外無聊閒看野煙一  
抹梅子未黃愁夜雨榴花不見簪秋雪又重羅紅字寫  
香詞年時節簾底事憑燕說合歡縷雙條脫自香消  
紅臂舊情都別湘水離魂菰葉怨揚州無夢銅華闕倩  
臥簫吹裂晚天雲看新月

結束

原鈔結作  
絡从毛本重羅毛本重  
作金

解連環

夷則商

暮檐涼薄疑清風動竹故人來邈漸夜久閒引流螢弄  
微照素懷暗呈纖白夢遠雙成鳳笙香玉繩西落掩練  
帷倦入又惹舊愁汗香闌角銀餅恨沈斷索歎梧桐  
未秋露井先覺抱素影明月空閒早塵損丹青楚山依  
約翠冷紅衰怕驚起西池魚躍記湘娥絳綃暗解褪花  
墜萼

題

原鈔作秋情  
毛本同刪練帷毛本練  
作練

又

留別姜石帚

思和雲結斷江樓望睫雁飛無極正岸柳衰不堪攀忍

持贈故人送秋行色歲晚來時暗香亂石橋南北又長  
亭暮雪點點淚痕總成相憶杯前寸陰似擲幾酬花  
唱月連夜浮白省聽風聽雨笙簫向別枕倦醒絮颺空  
碧片葉愁紅趁一舸西風潮汐歎滄波路長夢短甚時  
到得

夜飛鵲

黃鍾商

按清真集  
作道宮

蔡司戶席上南花

金規印遙漢庭浪無紋清雪冷沁花薰天街曾醉美人  
畔涼枝移插烏巾西風驟驚散念梭懸愁結蒂翦離痕  
中郎舊恨寄橫竹吹裂哀雲空賸露華煙彩人影斷  
幽坊深閉千門渾似飛仙入夢襪羅微步流水青蘋輕

冰潤□恨今朝不共清尊怕雲槎來晚流紅信杳縈斷  
秋魂

梭懸

幽坊

毛本梭作芬枝坊作芬

羅

原鈔作羅從王鵬運校本潤

□

原鈔未空格毛本同  
戈載選本補玉字

一寸金

中呂商俗名小石

贈筆工劉衍

秋入中山臂隼牽盧縱長獵見駭毛飛雪章臺獻穎臞  
腰束縞湯沐疏邑篔管瑤瓊牒蒼梧恨帝娥暗泣陶郎  
老憔悴玄香禁苑猶催夜俱入自歎江湖雕龍心盡  
相攜蝨魚篋念醉魂悠颺折釵錦字黠髻掀舞流觴春  
帖還倚荆谿楫金刀氏尙傳舊業勞君爲脫帽篷窗寓

情題水葉

雕龍

篷窗

原鈔龍作礮篷作蓬  
毛本同竝从杜校

寓情

毛本寓  
作寫

又

秋壓更長看見姮娥瘦如束正古花搖落寒蛩滿地參  
梅吹老玉龍橫竹霜被芙蓉宿紅緜透尙欺暗燭年年  
記一種淒涼繡幌金圓挂香玉 頑老情懷都無歡事  
良宵愛幽獨歎畫圖難傲橘村砧思笠蓑有約蓴洲漁  
屋心景憑誰語商絃重袖寒轉軸疏籬下試覓重陽醉  
擘青露菊

題

原鈔作秋感  
毛本同刪

橫竹

原鈔竹作笛  
毛本同从詞譜

紅緜

毛本緜  
作錦 幽

獨

原鈔獨作燭  
毛本同从詞律



繞佛閣

挾鍾商

按夾當作黃清真集作大石是調有周邦彥暗塵四斂一闕剛

原鈔

與沈野逸東皋天街盧樓追涼小飲

夜空似水橫漢靜立銀浪聲杳瑤鏡匳小素娥乍起樓  
心弄孤照絮雲未巧梧韻露井偏惜秋早晴暗多少怕  
教徹膽寒光見懷抱浪迹尙爲客恨滿長安千古道  
還記暗螢穿簾街語悄歎步影歸來人鬢花老紫簫天  
渺又露飲風前涼墮輕帽酒杯空數星橫曉

題

原鈔作天街追涼盧長笛樓从毛本

偏惜

晴暗

毛本借作借晴暗作暗晴

寒光

原鈔寒作蟾从毛本

又

贈郭季隱

蒨霞豔錦星媛夜織河漢鳴杼紅翠萬縷送幽夢與人  
閒繡芳句怨宮恨羽孤劍漫倚無限淒楚□□□賦  
情縹緲東風颺花絮鏡裏半髯雪向老春深鶯曉處  
長閉翠陰幽坊楊柳戶看故苑離離城外禾黍短藜青  
屨笑寄隱閒追雞社歌舞最風流墊巾沾雨

繡芳句

毛本繡作秀

颺花絮

毛本颺上衍搖字空格在絮下

向老

原鈔向作句毛

本作詞从夏敬觀校

翠陰

原鈔翠作醉从毛本

城外

毛本作徧生

拜星月慢

林鍾羽俗名高平

姜石帚以盆蓮數十置中庭宴客其中

絳雪生涼碧霞籠夜小立中庭蕪地昨夢西湖老扁舟  
身世歎遊蕩暫賞吟花酌露尊俎冷玉紅香疊洗眼眩

魂迷古陶洲十里 翠參差澹月平芳砌 甄花混小浪

魚鱗起霧 盜淺障青羅 洗湘娥春膩 蕩蘭煙麝馥濃侵

醉吹不散 繡屋重門閉 又怕便綠減 西風泣秋燵 燭外

遊蕩鐵網珊瑚魂迷原鈔魂作意十里毛本小浪

鐵網珊瑚十侵醉原鈔醉作酒毛泣秋燵外珊瑚

泣作泣 外作淚

水龍吟 無射商俗名越調

### 惠山酌泉

豔陽不到青山古 陰冷翠成秋苑 吳娃點黛 江妃擁髻

空濛遮斷 樹密藏谿 草深迷市 峭雲一片 二十年舊夢

輕鷗素約 霜絲亂朱顏變 龍吻春霏 玉濺煮銀餅羊

腸車轉臨泉照影清寒沁骨客塵都浣鴻漸重來夜深

華表露零鶴怨把閒愁換與樓前晚色棹滄波遠

題陽春白雪題首有登字古陰鐵網珊瑚都浣原鈔

澆毛本同從滄波鐵網珊瑚

又

用見山韻餞別

夜分谿館漁燈巷聲乍寂西風定河橋徑遠玉簫吹斷

霜絲舞影薄絮秋雲澹蛾山色宦情歸興怕煙江渡後

桃花又汎宮溝上春流緊新句欲題還省透香煤重

牋誤隱西園已負林亭移酒松泉薦茗攜手同歸處玉

奴喚綠窗春近想驕驄又蹋西湖二十四番花信

題原鈔作春  
晴从毛本徑遠

花信毛本徑作  
送信作訊

又

賦張斗墅家古松五粒

有人獨立空山翠髯未覺霜顏老  
新香秀粒濃光綠浸  
千年春小布影參旗障空雲蓋沈沈  
秋曉駟蒼虬萬里  
笙吹鳳女驂飛乘天風嫋般巧霜斤不到漢遊仙相  
從最早皴鱗細雨層陰藏月朱絃古調問訊東橋故人  
南嶺倚天長嘯待凌霄謝了山深歲晚素心纔表

又

笙吹長嘯

原鈔吹作飛長字脫  
毛本同竝从詞譜

壽嗣榮王

望中璇海波新訊。槎又弔銀河。轉金風細。嫋龍枝聲奏。  
鈞簫秋遠。南極飛仙夜來催。駕祥光重見。紫霄承露掌。  
瑤池蔭密。蟠桃秀螽蓮綻。新棟晴翬。凌漢半涼生蘭。  
繁書卷繡裳。五色昆臺十二香。深簾捲花萼。樓高處連。  
清曉千秋傳宴。賜長生玉字鸞迴。鳳舞下蓬萊殿。

題

原鈔無嗣  
字从毛本

訊查

蘭繁

毛本訊作  
汎繁作籙

又

壽尹梅津

望春樓外滄波舊。年照眼青銅鏡。鍊成寶月飛來天上。  
銀河流影紺玉鈎。簾處橫犀塵。天香分鼎記。殷雲殿鎖。  
裁花翦露。曲江畔春風勁。槐省紅塵晝靜。午朝回吟。

生晚興春霖繡筆鶯邊清曉金狻旋整閨苑芝仙貌生  
綃對綠窗深景弄瓊英數點宮梅信早占年光永

又

送萬信州

幾番時事重論座中共惜斜陽下今朝翦柳東風送客  
功名近也約住飛花暫聽留燕更攀情話問千牙過闕  
一封入奏忠孝事都應寫聞道蘭臺清暇載鷓夷煙  
江一舸貞元舊曲如今誰聽惟公和寡兒騎空迎舜瞳  
迴盼玉階前借便急回煥律天邊海上正春寒夜

載鷓夷

原鈔載作幾毛  
本同从王校

又

過秋至湖上舊居寄贈

外湖北嶺雲多小園暗碧鶯啼處朝回勝賞墨池香潤  
吟船繫雨霓節千如錦帆一箭攜將春去筭歸期未卜  
青煙散後春城詠飛花句黃鶴樓頭月午奏玉龍江  
梅解舞薰風紫禁嚴更清夢思懷幾許秋水生時賦情  
還在南屏別墅看章臺走馬長隄種取柔絲干樹

外湖

原鈔外作小毛本同从王校按秋澁居葛嶺故云外湖北嶺也

香潤

樓頭

原鈔

潤作酒樓作來竝从毛本

又

癸卯元夕

澹雲籠月微黃柳絲淺色東風緊夜寒舊事春期新恨



眉山碧遠塵陌飄香繡簾垂戶趁時妝面鈿車催去急  
珠囊袖冷愁如海情一線猶記初來吳苑未清霜飛  
驚雙鬢嬉遊是處風光無際舞蔥歌蒨陳迹征衫老容  
華鏡歡棕都盡向殘鐙夢短梅花曉角爲誰吟怨

雙鬢

歌蒨

華鏡

毛本雙作霜蒨  
作舊鏡作境

又

壽梅津

杜陵折柳狂吟研波尙溼紅衣露仙桃宴早江梅春近  
還催客句宮漏傳雞禁門嘶騎宦情熟處正黃編夜展  
天香字煥春蔥翦紅蜜炬宮帽鸞枝醉舞思飄颺  
仙風舉星羅萬卷雲驅千陣飛臺海雨長壽杯深探春

腔穩江湖同賦又看看便繫金狨鶯曉傍西湖路

江梅

醉舞

原鈔江作紅醉  
字脫竝从毛本

玉燭新

黃鍾商

按黃當作夾清  
真集作雙調

花穿簾隙透向夢裏消春酒中延晝嫩篁細掐相思字  
墮粉輕黏練袖章臺別後展繡絡紅蔦香舊□□□應  
數歸舟愁凝畫闌眉柳移鐙夜語西窗逗曉帳迷香  
問何時又素紈乍試還憶是繡嬾思酸時候蘭清蕙□  
總未比蛾眉螭首誰訴與惟有金籠春簧細奏

題

原鈔作春情  
毛本同刪

輕黏

原鈔黏下注  
毛本同練袖由毛本練

蕙□

原鈔未空格  
毛本同杜校補秀字

春簧

原鈔簧作篁  
毛本同杜校

解語花

高平調

梅花

門橫皺碧路人蒼煙春近江南岸暮寒如翦臨谿影一  
一半斜清淺飛雲弄晚蕩千里暗香平遠端正看瓊樹  
三枝總似蘭昌見酥瑩雲容夜煥伴蘭翹清瘦簫鳳  
柔婉冷雲荒翠幽棲久無語暗申春怨東風半面料準  
擬何郎詞卷歡未闌煙雨青黃宜晝陰庭館

冷雲荒翠

杜校引毛斧季  
校作翠深荒院

又

立春風雨中餞處靜

檐花舊滴帳燭新啼香潤殘冬被澹煙疏綺凌波步暗  
阻傍牆挑薺梅痕似洗空點點年華別淚花鬢愁釵股

籠寒綵燕沾雲膩。還鬪辛盤蔥翠。念青絲牽恨曾試。織指雁回潮尾。征帆去似與東風相避。泥雲萬里應翦斷紅情綠意。年少時偏愛輕憐和酒香宜睡。

題

毛本作立春風雨竝  
餞翁處靜江上之役

慶春宮

無射商俗名越調

原鈔是調有周邦彥  
雲接平岡一闕刪

越中錢得閒園

春屋圍花秋池沿草舊家錦藉川原蓮尾分津桃邊迷路片紅不到人閒亂篁蒼暗料惜把行題共刪小晴簾捲獨占西牆一鏡清寒風光未老吟潘嘶騎征塵祇付憑闌鳴瑟傳杯辟邪翻燼繫船香斗春寬晚林青外亂鴉著斜陽幾山粉消莫染猶是秦宮綠擾雲鬢

題毛本作題錢

亂篁原鈔篁作暗从毛本

西牆毛本牆作牆

又

殘葉翻濃餘香棲苦障風怨動秋聲雲影搖寒波塵消

膩翠房人去深扇畫成淒黯雁飛過垂楊轉青闌干橫

暮酥印痕香玉腕難憑菱花乍失娉婷別岸圍紅干

豔傾城重洗清杯同追深夜豆花寒落愁鐙近歡成夢

斷雲隔巫山幾層偷相憐處熏盡金篝消瘦雲英

題原鈔作秋感毛難憑毛本難近歡原鈔歡作夢从毛本熏盡

毛本熏

塞垣春

丙午歲旦

漏瑟侵瓊管潤鼓借烘鑪煖藏鈎怯冷畫雞臨曉鄰語  
鶯囀帶綠窗細呪浮梅瓊換蜜炬花心短夢驚回林鴉  
起曲屏春事天遠迎路柳絲裙看爭拜東風盈灞橋  
岸髻落寶釵寒恨花勝遲燕漸街簾影轉還似新年過  
郵亭一相見南陌又鐙火繡囊塵香淺

畫雞

鶯囀毛本雞作  
難轉作轉

宴清都

夾鍾羽俗名中呂調

餞嗣榮王仲亨還京

翠羽飛梁苑連催發暮檣留話江燕塵階墮珥瑤扉乍  
鑰綵繩雙寫新煙暗葉成陰效翠嫵西陵送遠又趁得  
蕊露天香春留建章花晚歸來笑折仙桃瓊樓宴萼

金漏催箭蘭亭秀語烏絲潤墨漢宮傳玩紅斝醉玉天  
上倩鳳尾時題畫扇問幾時重駕巫雲蓬萊路淺

題

原鈔無嗣字从毛本毛本亭作享

翠嫵西陵

原鈔翠作翠陵上紅衍施字从毛本

敬

毛本敬作歌

又

連理海棠

繡幄鴛鴦柱紅情密膩雲低護秦樹芳根兼倚花梢鈿  
合錦屏人妒東風睡足交枝正夢枕瑤釵燕股障灩蠟  
滿照歡叢嫵蟾冷落羞度人閒萬感幽單華清慣浴  
春益風露連鬢竝煥同心共結向承恩處憑誰爲歌長  
恨暗殿鎖秋鐙夜語敘舊期不負春盟紅朝翠暮

兼倚

按兼字疑誤集中是處無用平聲者

燕股

原鈔燕作蕪毛本是歷代詩餘

又

壽榮王夫人

萬壑蓬萊路非煙霽五雲城闕深處璇源媿鳳瑤池種  
玉鍊顏金姥長虹夢入仙懷便洗日桐華翠渚向瑞世  
獨占長春蟠桃正飽風露殷勤漢殿傳卮隔江雲起  
暗飛青羽南山壽石東周寶鼎千秋鞏固何時地拂龍  
衣待迎入玉京閩圃看□□臙擁湖船三千綵御

看□□

原鈔看下未空格毛本同从杜校

又

壽秋壑



翠市西門柳荊州昔未來時正春瘦如今賸舞西風舊  
色勝東風秀黃梁露溼秋江轉萬里雲檣蔽晝正虎落  
馬靜晨嘶連營夜沈刁斗含章換幾桐陰千官邃幄  
韶鳳還奏席前夜久天低宴密御香盈袖星槎信約長  
在醉興渺銀河賦就對小弦月挂南樓涼浮桂酒

換幾

原鈔脫換  
字从毛本

又

送馬林屋赴南宮

分韻得動字

柳色春陰重東風力快將雲雁高送書檠細雨吟窗亂  
雪井寒筆凍家林秀橘霜老笑分得蟾邊桂種應茂苑  
斗轉蒼龍唯潮獻奇吳鳳玉眉暗隱年華凌雲氣壓

千載雲夢名牋澹墨恩袍翠草紫騮青鞵飛香杏園新

句眩醉眼春遊乍縱弄喜音鵲繞庭花紅簾影動

井寒

唯潮

毛本井作天唯作淮鄭文焯日唯潮用潮過唯亭故實中吳紀聞夷亭舊無潮

沙李樂庵嘗見一道人云潮到夷亭出狀元吳志唯夷通用今吳人猶有此諺年華毛本作華年

又

萬里關河眼愁凝處渺渺殘照紅斂天低遠樹潮分斷

港路迴淮甸吟鞭又指孤店對玉露金風送晚恨自古

才子佳人此景此情多感吳王故苑別來良朋雅集

空歎蓬轉揮毫記燭飛觴趕月夢消香斷區區去程何

限倩片紙丁寧過雁寄相思寒雨鐙窗芙蓉舊院

題

原鈔作秋感毛本同刪

斷港

毛本港作巷

趕月

原鈔趕作趕毛本同从王校

去

程毛本程作情

齊天樂

黃鍾宮俗名正宮

與馮深居登禹陵

三千年事殘鴉外無言倦憑秋樹逝水移川高陵變谷  
那識當時神禹幽雲怪雨翠萍溼空梁夜深飛去雁起  
青天數行書似舊藏處寂寥西窗久坐故人慳會遇  
同翦鐙語積蘚殘碑零圭斷壁重拂人閒塵土霜紅罷  
舞漫山色青青霧朝煙暮岸鎖春船畫旗喧賽鼓

題

原鈔作登禹陵从毛本

久坐

積蘚

喧賽鼓

毛本久坐積作敗

喧字脫

又

白酒自酌有感

芙蓉心上三更露，茸香漱泉玉井自洗銀舟。徐開素酌，  
月落空杯無影，庭陰未暝，度一曲新蟬韻。秋堪聽，瘦骨  
侵冰，怕驚紋簟夜深冷。當時湖上載酒，翠雲開處，共  
雪面波鏡。萬感瓊漿，干莖鬢雪煙鎖。藍橋花徑，留連暮  
景，但偷覓孤歡，強寬秋興。醉倚修篁，晚風吹半醒。  
題毛本作飲白漱泉玉井原鈔作漱井偷覓毛本偷

又

齊雲樓

凌朝一片陽臺影，飛來太空不去。棟與參橫，簾鉤斗曲，  
西北城高幾許。天聲似語，便闔闔輕排，虹河平遡。問幾

陰晴霸吳平地漫今古  
西山橫黛瞰碧眼明應不到  
煙際沈鷺臥笛長吟層霾乍裂寒月溟濛千里憑虛醉  
舞夢凝白闌干化爲飛霧淨洗青紅驟飛滄海雨

千里

歷代詩餘里作縷杜校作樹按紙語通叶宋詞屢見里字未敢云誤

又

新煙初試花如夢疑收楚峰殘雨茂苑人歸秦樓燕宿  
同惜天涯爲旅遊情最苦早柔綠迷津亂莎荒圃數樹  
梨花晚風吹墮半汀鷺流紅江上去遠翠尊曾共醉  
雲外別墅澹月鞦韆幽香巷陌愁結傷春深處聽歌看  
舞駐不得當時柳蠻櫻素睡起慊慊洞簫誰院宇

題

原鈔作春暮毛本同詞綜無題据刪

又

毘陵陪兩別駕宴丁園

竹深不放斜陽度橫披澹墨林沼斷莽平煙殘莎賸水

宜得秋深纔好荒亭旋掃正著酒寒輕弄花春小障錦

西風半圍歌袖半吟草獨遊清興易嬾景饒人未勝

樂事長少柳下交車尊前岸幘同撫雲根一笑秋香未

老漸風雨西城暗敲客帽背月移舟亂鴉谿樹曉

題原鈔作秋陽度毛本度橫披原鈔披作波背月毛本

殘莎毛本莎西風原鈔西字獨遊交車背月

谿樹曉毛本獨字脫交作

又

會江湖諸友汎湖

麴塵猶沁傷心水  
歌蟬暗驚春換露  
藻清啼煙蘿澹碧  
先結湖山秋怨波  
簾翠捲歎霞薄輕  
綃汜人重見傍柳  
追涼暫疏懷袖負  
紈扇南花清鬪素  
靨畫船應不載  
坡靜詩卷汎酒芳  
筩題名蝨壁重集  
洲鴻江燕平蕪未  
翦怕一夕西風鏡  
心紅變望極愁生  
暮天菱唱遠

坡靜

王校靜應作靖集中木蘭花慢靜梅香底句  
同按漁隱叢話癸辛雜志林和靖竝作和靜

又

煙波桃葉西陵路  
十年斷魂潮尾古  
柳重攀輕鷗聚別  
陳迹危亭獨倚涼  
颼乍起渺煙磧飛  
帆暮山橫翠但有  
江花共臨秋鏡照  
憔悴華堂燭暗送  
客眼波回盼處

芳豔流水素骨凝冰柔蔥蘢雪猶憶分瓜深意清尊未  
洗夢不溼行雲漫沾殘淚可惜秋宵亂蛩疏雨裏

題

原鈔作別情毛本同  
陽春白雪無題据刪

西陵路

聚別

陽春白雪  
別作渡聚作敘

又

壽榮王夫人

玉皇重賜瑤池宴瓊筵第二十四萬象澄秋羣裾曳玉  
清澈冰壺人世鼇峰對起許分得鈞天鳳絲龍吹翠羽  
飛來舞鸞曾賦曼桃字鶴胎曾夢電繞桂根看驟長  
玉幹金蕊少海波新芳茅露滴涼入堂階綵戲香霖乍  
洗擁蓮媛三千羽裳風佩聖姥朝元鍊顏銀漢水

芳茅

原鈔茅作芾毛本  
同从歷代詩餘



又

贈姜石帚

餘香纔潤鸞綃汗秋風夜來先起霧鎖林深藍浮野闊  
一笛漁蓑鷗外紅塵萬里就中決銀河冷涵空翠岸觜  
沙平水楊陰下晚初熾 桃谿人住最久浪吟誰得到  
蘭蕙疏綺研色寒雲籤聲亂葉蘄竹紗紋如水笙歌醉  
裏步明月丁東靜傳環佩更展芳塘種花招燕子

紗紋

原鈔作紗紗疑次紗字譌  
毛本作簞紋今各从其一

丹鳳吟

無射商俗名越調

賦陳宗之芸居樓

麗景長安人海避影緜華結廬深寂鐙窗雪戶光映夜

寒東壁心彫鬢改鏤冰刻水縹簡離離風籤索索怕遣  
花蟲蝨粉自采秋芸熏架香汎纖碧更上新梯窈窕  
暮山澹蒼城外色舊雨江湖遠問桐陰門巷燕曾相識  
吟壺天小不覺翠蓬雲隔桂斧月宮三萬手計元和通  
籍輒紅滿路誰聘幽素客

題

原鈔作芸居从毛本

麗景

毛本景作錦

自采

原鈔自字脫从毛本

掃花遊

夾鍾商俗名雙調

西湖寒食

冷空澹碧帶翳柳輕雲護花深霧豔晨易午正笙簫競  
渡綺羅爭路驟倦風埃半掩長蛾翠嫵散紅縷漸紅溼  
杏泥愁燕無語乘蓋爭避處就解佩旗亭故人相遇

恨春太如濺行裙更惜鳳鈎塵汗醉入梅根萬點啼痕  
暗樹峭寒暮更蕭蕭隴頭人去

競渡

長蛾

原鈔渡作波蛾作蛾  
毛本同並从杜校

紅縷

按紅字與下  
句紅澁複疑

誤

又

春雪

水雲共色漸斷岸飛花雨聲初峭步惟素嫋想玉人誤  
惜章臺春老岫斂愁蛾半洗鉛華未曉艤輕棹似山陰  
夜晴乘興初到心事春縹緲記徧地梨花弄月斜照  
舊時鬪草恨淩波路鎖小庭深窈凍迴瓊簫漸入東風  
郢調煥回早醉西園亂紅休掃

路鎖原鈔鎖作鑰毛本同鄭文焯曰宜从王校作鎖

又

贈芸隱

草生夢碧正燕子簾帷影遲春午倦茶薦乳看風籤亂  
葉老沙昏雨古簡蟬篇種得雲根療蝨最清楚帶明月  
自鋤花外幽圃醒眼看醉舞到應事無心與閒同趣  
小山有語恨逋仙占卻暗香吟賦煥通書牀帶草春搖  
翠露未歸去正長安軟紅如霧

煥通

毛本通作通按集中探芳信江神子詞兩用通字並注去聲此特未注耳

又

送春古江村

水圍沁碧驟夜雨飄紅竟空林鳥豔春過了有塵香墜  
鈿尙遺芳草步繞新陰漸覺交枝徑小醉深窈愛綠葉  
翠圓勝看花好芳架雪未掃怪翠被佳人困迷清曉  
柳絲繫棹問閨門自古送春多少倦蝶慵飛故撲簪花  
破帽醅殘照掩重城暮鐘不到

又

賦瑤圃萬象皆春堂

煥波印日倒秀影秦山曉鬢梳洗步帷豔綺正梁園未  
雪海棠猶睡藉綠盛紅怕委天香到地畫船繫舞西湖  
暗黃虹臥新霽天夢春枕被和鳳筑東風宴歌曲水  
海宮對起燦驪光乍溼杏梁雲氣夜色瑤臺禁蠟初傳

翡翠喚春醉問人閒幾番桃李

應天長

夷則商俗名林鍾商

按林鍾商當作商調

吳門元夕

麗花鬪靨清麝濺塵春聲徧滿芳陌竟路障空雲幕冰  
壺浸霞色芙蓉鏡詞賦客競繡筆醉嫌天窄素娥下小  
駐輕鑣眼亂紅碧前事頓非昔故苑年光渾與世相  
隔向暮巷空人絕殘鐙耿塵壁凌波恨簾戶寂聽怨寫  
墮梅哀笛竚立久雨暗河橋譙漏疏滴

徧滿

原鈔作徧漏毛本同从王校

芙蓉鏡

原鈔鏡字脫毛本同天杜校从花草粹編補

窄

原鈔作天色注云作窄毛本同据改

風流子

黃鍾商俗名大石調

芍藥

金谷已空塵薰風轉國色返春魂半敲雪醉霜舞低鸞  
翅絳籠蜜炬綠映龍盆窈窕繡窗人睡起臨砌脈無言  
慵整墮鬟怨時遲暮可憐憔悴啼雨黃昏輕橈移花  
市秋娘渡飛浪溼濺行裙二十四橋南北羅薦香分念  
碎劈芳心縈思千縷贈將幽素偷翦重雲終待鳳池歸  
去催詠紅翻

又

前題

溫柔酣紫曲揚州路夢繞翠盤龍似日長傍枕墮妝偏  
髻露濃如酒微醉敲紅自別楚嬌天正遠傾國見吳宮

銀燭夜闌暗聞香澤翠陰秋寂重返春風  
芳期嗟輕  
誤花君去腸斷妾若爲容惆悵舞衣疊損露綺千重料  
繡窗曲理紅牙拍碎禁階敲徧白玉盃空猶記弄花相  
謔十二闌東

花君

毛本花  
作託

過秦樓

黃鍾商

芙蓉

藻國淒迷麴塵澄映怨入粉煙藍霧香籠麝水膩漲紅  
波一鏡萬妝爭妒湘女歸魂佩環玉冷無聲凝情誰慙  
又江空月墮凌波塵起彩鴛愁舞還暗憶釵合蘭橈  
絲牽瓊腕見的更憐心苦玲瓏翠屋輕薄冰綃穩稱錦



雲留住生怕哀蟬暗驚秋被紅衰啼珠零露能原注西

風老盡羞趁東風嫁與

翹塵澄映

鐵網珊瑚塵

誰想

原鈔想作想毛本

彩鴛

翠屋

鐵網珊瑚彩鴛

法曲獻仙音

黃鍾商俗名大石

秋晚紅白蓮

風拍波驚露零秋覺斷紅衰白江上豔拂潮妝澹凝冰

鬢別翻翠池花浪過數點斜陽雨啼綃粉痕冷宛相

向指汀洲素雲飛過清麝洗玉井曉霞佩響寸蕩折長

絲笑何郎心似春蕩半掬微涼聽嬌蟬聲度淺唱伴鴛

鴛秋夢酒醒月斜輕帳

斷紅衰白

毛本作斷  
緣衰紅

潮妝

原鈔潮作  
朝从毛本

笑何郎

春蕩

聽嬌蟬聲度

毛本笑字脫春下衍風  
字聽字脫聲下衍遠字

又

放琴客和宏庵韻

落葉霞翻敗窗風咽暮色淒涼深院瘦不關秋淚緣輕  
別情消鬢霜千點悵翠冷搔頭燕那能語恩怨紫簫  
遠記桃枝向隨春渡愁未洗鉛水又將恨染粉縞  
離箱忍重拈鐙夜裁翦望極藍橋彩雲飛羅扇歌斷料鶯  
籠玉鎖夢裏隔花時見

題

毛本上聲別毛本輕  
三字脫車別作生

桃枝

按枝疑  
根謫

還京樂

黃鍾商俗名大石

友人汎湖命樂工以箏笙琵琶方響迭奏

宴蘭渚促奏絲縈管裂飛絲響似漢宮人去夜深獨語  
胡沙淒哽對雁斜玫柱瓊瓊弄月臨秋影鳳吹遠河漢  
去杳天風飄冷汎清商竟轉銅壺敲漏瑤牀二八青  
娥環佩再整菱歌四碧無聲變須臾翠翳紅暝歎梨園  
今調絕音希愁深未醒桂檝輕如翼歸霞時點清鏡

題

原鈔上八字脫

鳳吹

原鈔鳳作風毛本同詞律

去杳

原鈔杳作查毛

本同鐵網珊瑚

飄冷

原鈔飄作吹毛本同從鐵網珊瑚

塞翁吟

黃鍾商俗名大石

贈宏庵

草色新宮綬還跨紫陌驕驄好花是晚開紅冷菊最香

濃黃簾綠幕蕭蕭夢  
鐙外換幾秋風敘往約  
桂花宮爲別翦珍叢  
雕欄行人去秦腰褪玉  
心事稱吳妝暈濃  
向春夜閨情賦就想  
初寄上國書時唱入  
眉峰歸來共酒窈窕  
紋窗蓮卸新蓬

綠幕蕭蕭

原鈔四字闕毛本同王

吳女原鈔妝作女

校暈濃

濃與上闕韻復杜校疑作穠鄭文焯曰宋詞

水韻夢窗采桑子時字此詞

濃字皆然但分上下闕耳

又

餞梅津除郎赴闕

有約西湖去移棹晚折芙蓉筭纔是稱心紅染不盡薰  
風干桃過眼春如夢還認錦疊雲重弄晚色舊香中旋

撐入深叢 從容情猶賦冰車健筆人未老南屏翠峰  
轉河影浮槎信早素妃叫海月歸來太液池東紅衣卸  
了結子成蓮天勁秋濃

筭纔是

毛本纔作終

天勁

杜校天作香

丁香結

夷則商俗名商調

秋日海棠

香嫋紅霏影高銀燭曾縱夜遊濃醉正錦溫瓊膩被燕  
蹋煥雪驚翻庭砌馬嘶人散後秋風換故園夢裏吳霜  
融曉陡覺暗動偷春花意 還似海霧冷仙山喚覺環  
兒半睡淺薄朱唇嬌羞豔色自傷時背簾外寒挂澹月  
向日鞦韆地懷春情不斷猶帶相思舊子

題鐵網珊瑚秋 陡覺鐵網珊瑚 暗動 冷仙山 朱

脣 向日 舊子毛本暗作晴冷作似脣

六么令 夷則商俗名仙呂宮按商當

七夕

露蛩初響機杼還催織 婺星爲情慵嬾竚 立明河側不  
見津頭艇子望絕南飛翼 雲梁千尺塵緣一點回首西  
風又陳迹 那知天上計拙乞巧樓南北 瓜果幾度淒  
涼寂寞羅池客 人事回廊縹緲誰見金釵擘 今夕何夕  
杯殘月墮但耿銀河漫天碧

蕙蘭芳引 林鍾商俗名歇指調按清真集

賦藏一家吳郡王畫蘭

空翠染雲楚山迴故人南北秀骨冷盈盈清洗九秋澗  
綠奉車舊畹料未許千金輕儷淺笑還不語蔓草羅裙  
一幅素女情多阿眞嬌重喚起空谷弄野色煙姿宜  
掃怨蛾澹墨光風入戶媚香傾國湘佩寒幽夢小窗春  
足

題

毛本藏一上有陳字  
畫蘭作畫圖墨蘭

染雲

清洗二句

不語

喚起

毛本染字及清洗下九  
字並脫不作輕起字脫

空谷

春足

原鈔谷字  
脫春作幽

並从  
毛本

隔浦蓮近

黃鍾商

泊長橋過重午

榴花依舊照眼愁褪紅絲腕夢繞煙江路汀菰綠薰風

晚年少驚送遠吳蠶老恨緒縈抽繭 旅情嬾扁舟繫  
處青帘濁酒須換一番重午旋買香蒲浮璣新月湖光  
蕩素練人散紅衣香在南岸

素練

人散

毛本練作煉散作教

垂絲釣近

夷則商俗名商調

雲麓先生以畫舫載落花宴客

聽風聽雨春殘花落門掩乍倚玉闌旋翦天豔攜醉壓  
放遡谿遊纜波光撼映燭花黯澹 碎霞澄水吳宮初  
試菱鑑舊情頓減孤負深杯灩衣露天香染通夜飲問  
漏移幾點

題

原鈔作牡丹从毛本

花

原鈔作落花毛本同从詞律

波光撼

毛本撼作掩



荔枝香近

黃鍾商俗名大石

按清真集作歇指

送人遊南徐

錦帶吳鉤征思橫雁水夜吟敲落霜紅船傍楓橋繫相  
思不管年華喚酒吳娃市因話駐馬新隄步秋綺淮  
楚尾暮雲送人千里細雨南樓香密錦溫曾醉花谷依  
然秀鬢偷春小桃李爲語夢窗憔悴

雁水

因話

毛本雁作語駐馬

原鈔馬作車毛本同从杜校

又

七夕

睡輕時聞晚鵲噪庭樹又說今夕天津西畔重歡遇蛛  
絲暗鎖紅樓燕子穿簾處天上未比人閒更情苦秋

鬢改妒月姊長眉嫵過雨西風數葉并梧愁舞夢入藍  
橋幾點疏星映朱戶淚溼沙邊凝竚

西河

中呂商俗名小石

陪鶴林登袁園

春乍霽清漣畫舫融洩螺雲萬疊暗凝愁黛蛾照水漫  
將西子比西湖谿邊人更多麗步危徑攀豔蕊掬霞  
到手紅碎青虵細折小迴廊去天半咫畫闌日暮起東  
風棋聲吹下人世海棠藉雨半繡地正殘寒初御羅  
綺除酒消春何計向沙頭更續殘陽一醉雙玉杯和流  
花洗

題

毛本袁

疑

愁

原鈔愁作秋毛本

同从夏敬觀校

半咫

日暮

毛本

咫作

尺日正殘寒初御毛本作殘向沙頭  
毛本作向殘陽作高殘

斜作

浪淘沙慢

夷則商俗名商調

賦李尚書山園

夢仙到吹笙路杳度巘雲滑谿谷冰綃未裂金鋪晝鎖  
乍掣見竹靜梅深春海闊有新燕簾底低說念漢履無  
聲跨鯨遠年年謝橋月 曲折畫闌盡日憑熱半蜃起  
玲瓏樓閣畔縹緲鴻去絕飛絮颺東風天外歌闕睡紅  
醉纈還是催寒食看花時節花下蒼苔盛羅襪銀燭短  
漏壺易竭料池柳不攀春送別倩玉兔別擣秋香更醉  
蹋千山冷翠飛晴雪

低說

原鈔低字脫毛本同杜校从姚子箴鈔本補

西平樂慢

中呂商俗名小石

過西湖先賢堂傷今感昔泣然出涕

岸壓郵亭路敲華表隄樹舊色依依紅索新晴翠陰寒  
食天涯倦客重歸歎廢綠平煙帶苑幽渚塵香蕩晚當  
時燕子無言對立斜暉追念吟風賞月十載事夢惹綠  
楊絲畫船爲市天妝豔水日落雲沈人換春移誰更  
與苔根洗石菊井招魂漫省連車載酒立馬臨花猶認  
薦紅傍路枝歌斷宴闌榮華露草冷落山北到此徘徊  
細雨西城羊曇醉後花飛

題

原鈔作春感注云重過西湖

倦客

鐵網珊瑚作客又廢綠

原鈔廢字脫毛本  
同从鐵網珊瑚  
洗石毛本洗  
連車  
薦紅  
冷落

到此三句

鐵網珊瑚連作隨薦作馮冷作零到此三句作到此西湖恨擬西州羊曇淚落

沾衣

瑞龍吟

黃鍾商俗名大石調犯正平調

賦蓬萊閣

墮虹際層觀翠冷玲瓏五雲飛起玉虬縈結城根澹煙  
半野斜陽半市 瞰危睇門巷去來車馬夢遊宮蟻秦  
鬢古色凝愁鏡中暗換明眸皓齒 東海青桑生處勁  
風吹淺瀛洲清泚山影汎出瓊壺碧樹人世槍芽焙綠  
曾試雲根味巖流澌涎香慣攪嬌龍春睡露草啼清淚  
酒香斷到文北廢隧今古秋聲裏情漫黯寒鴉孤村流

水半空畫角落梅花地

翠冷

危睇

瓊壺

槍芽

毛本翠冷作冷翠睇作梯瓊壺二字脫槍上行

旗焙綠

原鈔焙作暗从毛本

慣攬

斷到

半空二句

毛本慣作怕到

字脫半空二句作半空裏畫角落月地

又

### 送梅津

黯分袖腸斷去水流萍住船繫柳吳宮嬌月嬈花醉題  
恨倚蠻江豆蔻吐春繡筆底麗情多少眼波眉岫新  
園鎖卻愁陰露黃漫委寒香半畝還背垂虹秋去四  
橋煙雨一宵歌酒猶憶翠微攜壺烏帽風驟西湖到日  
重見梅鈿皺誰家聽琵琶未了朝驄嘶漏印剖黃金籀

待來共凭齊雲話舊莫唱朱櫻口生怕遣樓前行雲知  
後淚鴻怨角空教人瘦

嬌月

毛本嬌作曉  
注云當作嬌

漫委

原鈔漫上行半字毛  
本衍迷字从戈選刪

又

德清清明競渡

大谿面遙望繡羽衝煙錦梭飛練桃花三十六陂鮫宮  
睡起嬌雷乍轉去如箭催趁戲旗遊鼓素瀾雪濺東  
風冷溼蛟腥澹陰送晝輕霏弄晚洲上青蘋生處鬪  
春不管懷沙人遠殘日半開一川花影零亂山屏醉纈  
連棹東西岸闌干倒干紅妝鬢鉛香不斷傷暝疏簾捲  
翠漣皺淨笙歌未散簪柳門歸嬾猶自有玉龍黃昏吹

怨重雲暗閣春霖一片

門歸嬾

原鈔作門猶嫩毛本作  
嬌桃嫩从陽春白雪

大酺

無射商俗名越調

荷塘小隱

峭石帆收歸期差林沼年消紅碧漁蓑樵笠畔買佳鄰  
翻葢浣花新宅地鑿桃陰天澄藻鏡聊與漁郎分席滄  
波耕不碎似藍田初種翠煙生璧料情屬新蓮夢驚春  
草斷橋相識平生江海客秀懷抱雲錦當秋織任歲  
晚陶籬菊暗逋塚梅荒總輸玉井嘗甘液忍棄紅香葉  
集楚裳西風催著正明月秋無極歸隱何處門外垂楊  
天窄放船五湖夜色



年肖

毛本年作半

浣花

原鈔浣作浣毛本同从詞綜

解蹀躞

夷則商俗名商調

醉雲又兼醒雨楚夢時來往倦蜂剛著梨花惹遊蕩還  
做一段相思冷波葉舞愁紅送人雙槩暗凝想情共  
天涯秋黯朱橋鎖深巷會稀投得輕分頓惆悵此去幽  
曲誰來可憐殘照西風半妝樓上

題

原鈔作別情毛本同刪

倒犯

夾鍾商俗名雙調

按清真集作仙呂

贈黃復庵

茂苑共鶯花醉吟歲華如許江湖夜雨傳書問雁多幽  
阻清谿上慣來往扁舟輕如羽到興嬾歸來玉冷耕雲

圃按瓊簫賦金縷回首詞場動地聲名春雷初啟戶  
枕水臥漱石數開屋梅一隴待共結良朋侶載清尊隨  
花追野步要未若城南分取谿隈住畫長看柳舞

花犯

中呂商

謝黃復庵除夜寄古梅枝

翦橫枝清谿分影翛然鏡空曉小窗春到憐夜冷嬌娥  
相伴孤照古落淚鎖霜千點蒼華人共老料淺雪黃昏  
驛路飛香遺凍草行雲夢中認瓊娘冰肌瘦窈窕風  
前纖縞殘醉醒屏山外翠禽聲小寒泉貯紺壺漸煥年  
事對青鐙驚換了但恐舞一簾胡蝶玉龍吹又杳

霜娥

原鈔嬌作霜毛本同从周之琦心日齋詞錄

凍草

原鈔凍作冷毛本同鄭文焯曰當从

詞鵲  
作凍

又

郭希道送水仙索賦

小娉婷清鉛素靨蜂黃暗偷暈翠翹敲鬢昨夜冷中庭  
月下相認睡濃更苦淒風緊驚回心未穩送曉色一壺

蔥蒨纔知花夢準湘娥化作此幽芳凌波路古岸雲

沙遺恨臨砌影寒香亂凍梅藏韻熏鑪畔旋移傍枕還

又見玉人垂紺鬢料喚賞清華池館臺杯須滿引

題原鈔作水仙毛本還又紺鬢原鈔還又作又還  
鬢作鬢毛本同立

從鐵網池館鐵網珊瑚  
館作晚

蝶戀花

題華山道女扇

北斗秋橫雲髻影，鶯羽衣輕，腰減青絲。賸一曲遊仙聞  
玉磬，月華深院人初定。十二闌干和笑凭，風露生寒。  
人在蓮花頂，睡重不知殘酒醒。紅簾幾度啼鴉暝。

一曲遊仙

原鈔作一一  
迷仙从毛本  
紅簾毛本二  
字脫

又

九日和吳見山韻

明月枝頭香滿路，幾日西風落盡花。如雨倒照秦眉天  
鏡古，秋明白鷺雙飛處。自摘霜蔥宜薦俎，可惜重陽  
不把黃花與帽墮。笑憑纖手取清歌，莫送秋聲去。

題

毛本無  
首二字  
重陽不把  
原鈔四字  
關从毛本

浣溪沙

原鈔是詞有秦觀青杏園林南唐後主手捲珠簾晏殊一曲新詞蘇軾簌簌衣巾李清照小院

開窗各闕竝刪

仲冬望後出迓履翁舟中卽興

新夢遊仙駕紫鴻  
數家鐙火灞橋東  
吹簫樓外凍雲重  
石瘦谿根船宿處  
月斜梅影曉寒中  
玉人無力倚東

風又

題李中齋舟中梅屏

冰骨清寒瘦一枝  
玉人初上木蘭時  
嬾妝斜立澹春姿  
月落谿窮清影在  
日長春去畫簾垂  
五湖水色掩西

施

題毛本齋  
作笙

又

觀吳人歲旦遊承天

千蓋籠花鬪勝春東風無力掃香塵盡沿高閣步紅雲  
閒裏暗牽經歲恨街頭多認舊年人晚鐘催散又黃

又昏

琴川慧日寺蠟梅

蝶粉蜂黃大小喬中庭寒盡雪微消一般清瘦各無聊  
窗下和香封遠訊牆頭飛玉怨鄰簫夜來風雨洗春

嬌

又

門隔花深夢舊遊  
夕陽無語燕歸愁  
玉纖香動小簾鉤  
落絮無聲春墮淚  
行雲有影月含羞  
東風臨夜冷於

秋

題

原鈔作春情  
毛本同刪

又

波面銅花冷不收  
玉人垂釣理纖鉤  
月明池閣夜來秋  
江燕話歸成曉別  
水花紅減似春休  
西風梧井葉先

愁

又

題

原鈔作秋情  
毛本無題据刪

題史菊屏扇

門巷深深小畫樓  
闌干曾識凭春愁  
新蓬遮卻繡鴛遊  
桃觀日斜香掩戶  
蘋谿風起水東流  
紫萸玉腕又逢

秋

又桂

曲角深簾隱洞房  
正嫌玉骨易愁黃  
好花偏占一秋香  
夜氣清時初傍枕  
曉光分處未開窗  
可憐人似月中

孀

玉樓春

原鈔是調有晏殊  
綠楊芳草一闕刪

京市舞女



茸茸狸帽遮梅額  
金蟬羅綺胡衫窄  
乘肩爭看小腰身  
倦態強隨閒鼓笛  
問稱家住城東陌  
欲買千金應不惜  
歸來困頓殢春眠  
猶夢婆娑斜趁拍

又

爲故人母壽

華堂夜宴連清曉  
醉裏笙歌雲窈窕  
釀來千日酒初嘗  
過卻重陽秋更好  
阿兒早晚成名了  
玉樹階前春滿  
抱天邊金鏡不須磨  
長與妝樓懸晚照

題

毛本母壽作壽母

夜宴

釀來

初嘗

毛本夜作宿來作成嘗作香

金

鏡

原鈔金作天从毛本

懸晚照

毛本懸作懸

點絳脣

推枕南窗棟花寒入單紗淺雨簾不捲空礙調雛燕

一握柔蔥香染榴巾汗音塵斷畫羅閒扇山色天涯遠

題

原鈔作初夏感情  
毛本無題据刪

棟花

畫羅

毛本棟作  
練畫作盡

又

時霎清明載花不過西園路嫩陰綠樹正是春留處

燕子重來往事東流去征衫貯舊寒一縷淚溼風簾絮

題

原鈔作春暮  
毛本同  
陽春白雪無題据刪

西園

陽春白雪  
園作湖

又

試鐙夜初晴

捲盡愁雲素娥臨夜新梳洗暗塵不起酥潤凌波地  
輦路重來彷彿鐙前事情如水小樓熏被春夢笙歌裏

暗塵毛本暗  
作情

秋蕊香

和吳見山落桂

寶月驚塵墮曉愁鎖空枝斜照古苔幾點露螢小消滅  
秋光旋少佩丸尙憶春酥嬾故人老斷香忍和淚痕  
掃魂返東籬夢宵

斜照魂返毛本斜作  
殘返作近

又

七夕

懶浴新涼睡早雪罨酒紅微笑倚樓起把繡針小月冷  
波光夢覺怕聞井葉西風到恨多少粉河不語墮秋

曉雲雨人閒未了

微笑

波光

毛本微作侵  
波光作秋波

訴衷情

陰陰綠潤暗啼鴉  
陌上斷香車  
紅雲深處春在飛  
出建章花  
春此去  
擲天涯  
幾煙沙  
忍教芳草狼藉  
斜陽人未歸家

題

原鈔作春曉  
毛本同刪

又

柳腰空舞翠裙煙  
盡日不成眠  
花塵浪捲清晝  
漸變晚陰天  
吳社水繫遊船  
又經年  
東風不管燕子  
初來一夜春寒

題原鈔作春情  
毛本同刪

又

片雲載雨過江鷗水色澹汀洲小蓮玉慘紅怨翠被又  
經秋涼意思到南樓小簾鉤半窗鐙暈幾葉芭蕉客  
夢牀頭

題原鈔作秋情毛  
本無題據刪

又

七夕

西風吹鶴到人閒涼月滿綵山銀河萬里秋浪重載客  
槎還河漢女巧雲鬟夜闌干釵頭新約針眼嬌顰樓  
上秋寒

夜遊宮

竹窗聽雨坐久隱几就睡既覺見水仙娟娟於鐙影  
中

窗外捎谿雨響映窗裏嚼花鐙冷渾似瀟湘繫孤艇見  
幽仙步凌波月邊影香苦欺寒勁牽夢繞滄濤千頃  
夢覺新愁舊風景紺雲敲玉搔斜酒初醒

又

春語鶯迷翠柳煙隔斷晴波遠岫寒壓重簾慢捻繡袖  
鑪香倩東風與吹透花訊催時候舊相思偏供閒晝  
春澹情濃半中酒玉痕消似梅花更清瘦

題

原鈔作春情毛  
本無題据刪

醉桃源

荷塘小隱賦燭影

金丸一樹帶霜華銀臺搖豔霞燭陰樹影兩交加秋紗  
機上花飛醉筆駐吟車香深小隱家明朝新夢付啼  
鴉歌闌月未斜

豔霞

原鈔作絳霞注云當作豔霞與毛本合

香深

新夢

毛本深作浮新作客

又

贈盧長笛

沙河塘上舊遊嬉盧郎年少時一聲長笛月中吹和雲  
和雁飛驚物換歎星移相看兩鬢絲斷腸吳苑草淒淒  
淒倚樓人未歸

又

芙蓉

青春花姊不同時  
淒涼生較遲  
豔妝臨水最相宜  
風來吹繡漪  
驚舊事問長眉  
月明仙夢回  
凭闌人但覺秋肥  
花愁人不知

又

會飲豐樂樓

翠陰濃合曉鶯隄  
春如日墜西  
畫圖新展遠山齊  
花深十二梯  
風絮晚醉魂迷  
隔城聞馬嘶  
落紅微沁繡鴛泥  
鞦韆教放低

如夢令

原鈔是調有曹組  
門外綠陰一闕刪



春在綠窗楊柳人與流俱瘦眉底暮寒生簾額時翻  
波皺風驟風驟花徑啼紅滿袖

題

原鈔作春暮毛  
本無題据刪

又

鞦韆爭鬧粉牆閒看燕紫鶯黃啼到綠陰處喚回浪子  
閒忙春光春光正是拾翠尋芳

題

原鈔作春景  
毛本同刪

望江南

賦畫靈照女

衣白苧雪面墮愁鬢不識朝雲行雨處空隨春夢到人  
閒留向畫圖看  
情臨鏡流水洗花顏自織蒼煙湘淚

冷誰撈明月海波寒天澹霧漫漫

題

毛本靈作臨按傳錄襄州居士龐蘊將入滅女靈照遽登父坐合掌坐亡鄭文悼曰此借古人名

義之例類本集有放琴客題琴客爲顧況侍兒以琴客稱人妾猶之以靈照稱人女也

又

茶

松風遠鶯燕靜幽坊妝褪宮梅人倦繡夢回春草日初  
長資盃試新湯 笙歌斷情與絮悠颺石乳飛時離鳳  
怨玉纖分處露花香人去月侵廊

幽坊

毛本坊作芳

定風波

密約偷香口躡青小車隨馬過南屏回首東風消鬢影

重省十年心事夜船燈  
離骨漸塵橋下水到頭難滅  
景中情兩岸落花殘  
酒醒煙冷人家垂柳未清明

題

原鈔作春情  
毛本同刪

月中行

和黃復庵

疏桐翠井早驚秋  
葉葉雨聲愁  
鐙前倦客老  
貂裘燕去柳邊樓  
吳宮寂寞空煙水  
渾不認舊采菱洲  
秋花旋結小盤虯  
蝶怨夜香留

翠井

毛本甲稿井作竹  
丁稿復刻作井

虞美人

背庭綠恐花羞墜  
心事遙山裏  
小簾愁捲月籠明  
一寸

秋懷禁得幾蛩聲 井梧不放西風起 供與離人睡夢  
和新月未圓時起看檐蛛結網又尋思

題原鈔作秋感  
毛本同刪

菩薩蠻

落花夜雨辭寒食 塵香明日城南陌 玉靨溼斜紅 淚痕  
千萬重 傷春頭竟白 來去春如客 人瘦綠陰濃 日長  
簾影中

題原鈔作春寒毛  
本無題据刪

又

綠波碧草長隄色 東風不管春狼藉 魚沫細痕圓 燕泥  
花唾乾 無情牽怨抑 畫舸紅樓側 斜日起憑闌 垂楊

舞曉寒

題

原鈔作春情  
毛本同刪

怨抑

毛本抑  
作柳

賀新郎

湖上有所贈

湖上芙蓉早向北山山深霧冷更看花好流水茫茫城  
下夢空指遊仙路杳笑蘿障雲屏親到雪玉肌膚春温  
夜飲湖光山淥成花貌臨澗水弄清照著愁不盡宮  
眉小聽一聲相思曲裏賦情多少紅日闌干鴛鴦枕那  
枉裙腰褪了算誰識垂楊秋嫋不是秦樓無緣分點吳  
霜羞帶簷花帽但殢酒任天曉

山深

毛本丁稿複  
刻山作煙

秋嫋

毛本秋  
作枝

又

爲德清趙令君賦小垂虹

浪影龜紋皺，蘸平煙青紅。半溼枕谿窗，牖千尺晴霞慵。  
臥水萬疊羅屏擁，繡漫幾度吳船回首。歸雁五湖應不  
到，問蒼茫釣雪人知否。樵唱杳度深秀。重來趁得花  
時候，記留連空山夜雨。短亭春酒桃李新栽成，蹊處盡  
是行人去後。但東閣官梅清瘦，欸乃一聲山水綠。燕無  
言風定垂簾晝，寒正悄。彈吟袖。

晴霞慵臥水

羅屏

歸雁

垂簾

毛本丁稿複刻  
晴霞慵臥水作

晴虹映碧漪羅作  
羅雁作興垂作紅

江城梅花引

贈倪梅村

江頭何處帶春歸  
玉川迷路東西  
一雁不飛雪壓凍雲  
低十里黃昏成曉色  
竹根籬分流水過翠微  
帶書傍月自鋤畦  
苦吟詩生絲半黃  
煙雨翠禽語似說相思  
惆悵孤山花盡草離離  
半幅寒香家住遠  
小簾垂玉人  
誤聽馬嘶

煙雨

毛本煙作細

婆羅門引

羽調

爲懷寧趙仇香賦

香霏汎酒瘴花初洗玉壺冰  
西風乍入吳城吹徹玉笙  
何處曾說董雙成  
柰司空經慣未暢高情  
瑤臺幾層

但夢繞曲闌行空憶雙蟬  
□翠寂寂秋聲堂空露涼倩  
誰喚行雲來洞庭團扇月只隔煙屏

□翠

歷代詩餘  
作曼翠

又

郭清華席上爲放琴客而新有所盼賦以見喜

風漣亂翠酒霏飄汗洗新妝幽情暗寄蓮房弄雪調冰  
重會臨水暮追涼正碧雲不破素月微行雙成夜笙  
斷舊曲解明璫別有紅嬌粉潤初試霓裳分蓬調郎又  
拈惹花茸碧唾香波暈切一盼秋光

分蓬

詞譜蓬  
作蓮

祝英臺近



悼得趣贈宏庵

黯春陰收鐙後寂冥幾簾戶一片花飛人駕彩雲去應  
是蜘蛛網金徽拍天寒水恨聲斷孤鴻洛浦對君訴團  
扇輕委桃花流紅爲誰賦□□□□從今醉何處可憐  
憔悴文園曲屏春到斷腸句落梅愁雨

蜘蛛網

毛本蜘蛛作蛛

又

餞陳少逸被倉臺檄行部

問流花尋夢草雲煥翠微路錦雁峰前淺約畫行處不  
教嘶馬飛春一箇越鏡那消盡紅吟綠賦送人去長  
絲初染柔黃晴和曉煙舞心事偷占鶯漏漢宮語趁得

羅蓋天香歸來時候共留取玉闌春住

又

春日客龜谿遊廢園

采幽香巡古苑竹冷翠微路鬪草谿根沙印小蓮步自  
憐兩鬢清霜一年寒食又身在雲山深處 晝閒度因  
甚天也慳春輕陰便成雨綠暗長亭歸夢趁風絮有情  
花影闌干鶯聲門徑解留我霎時凝竚

題

毛本園  
作圃

又

上元

晚雲開朝雪霽時節又鐙市夜約遺香南陌少年事笙

簫一片紅雲飛來海上繡簾捲緗桃春起  
舊遊地素娥城闕年年新妝趁羅綺玉練冰輪無塵沆流水曉霞  
紅處啼鴉良宵一夢畫堂正日長人睡

素娥

毛本娥作蛾

又

除夜立春

翦紅情裁綠意花信上釵股殘日東風不放歲華去有  
人添燭西窗不眠侵曉笑聲轉新年鶯語舊尊俎玉  
纖曾擘黃甘柔香繫幽素歸夢湖邊還迷鏡中路可憐  
千點吳霜寒消不盡又相對落梅如雨

西子妝慢

自度腔

湖上清明薄遊

流水麴塵豔陽酷酒畫舸遊情如霧笑拈芳草不知名  
□凌波斷橋西塊垂楊漫舞總不解將春繫住燕歸來  
問綵繩纖手如今何許歡盟誤一箭流光又趁寒食  
去不堪衰鬢著飛花傍綠陰冷煙深樹玄都秀句記前  
度劉郎曾賦最傷心一片孤山細雨

西子妝慢

按調下自度勝三字當統下八調而言

酷酒

詞潔酷作酷也選云說文酷酒

厚味不誤

凌波

原鈔凌上未空格毛本同从玉校詞譜補作字

江南春

中呂宮

鐵網珊瑚作小石按小石爲中呂商之俗名宮疑商誤

賦張葍翁杜衡山莊

風響牙籤雲寒古硯芳銘猶在棠笏秋牀聽雨妙謝庭

春草吟筆城市喧鳴轍清谿上小山秀潔便向此搜松  
訪石葺屋營花紅塵遠避風月瞿塘路隨漢節記羽  
扇綸巾氣凌諸葛青天萬里料漫憶萼絲鱸雪車馬從  
休歇榮華事醉歌耳熱天與此翁芳芷嘉名紉蘭佩兮  
瓊玦

題

原鈔作杜衛山莊毛  
本同从鐵網珊瑚

芳銘

原鈔銘作名毛本  
同从鐵網珊瑚

棠笏

毛本棠  
作堂

營花

毛本營  
作紫

從休歇

榮華

鐵網珊瑚從  
作沒華作辱

夢芙蓉

趙昌芙蓉圖

梅津所藏

西風搖步綺記長隄驟過紫駟十里斷橋南岸人在晚  
霞外錦温花共醉當時曾共秋被自別霓裳應紅消翠

冷霜枕正慵起  
慘澹西湖柳底搖蕩秋魂夜月歸環  
佩畫圖重展驚認舊梳洗去來雙翡翠難傳眼恨眉意  
夢斷瓊娘仙雲深路杳城影蘸流水

共醉

鄭文焯曰共字與下  
會共複疑有一誤

高山流水

黃鍾商

丁基仲側室善絲桐賦詠曉達音呂備歌舞之妙

素絃一一一起秋風寫柔情都在春蔥外斷腸聲霜霄  
暗落驚鴻低顰處翦綠裁紅仙郎伴新製遺賡舊曲映  
月簾櫳似名花竝蒂日日醉春濃 吳中空傳有西子  
應不解換徵移宮蘭蕙滿襟懷唾碧總噴花茸後堂深  
想費春工客愁重時聽蕉寒雨碎淚溼瓊鍾恁風流也

稱金屋貯嬌慵

唾碧總噴

杜校引姚子箴鈔  
本作碧窗唾噴

霜花腴

無射商

重陽前一日汎石湖

翠微路窄醉晚風憑誰爲整  
敲冠霜飽花腴燭消人瘦  
秋光做也都難病懷強寬恨雁聲偏落  
歌前記年時舊  
宿淒涼暮煙秋雨野橋寒  
妝鬢英爭豔度清商一  
曲暗墜金蟬芳節多陰  
蘭情稀會晴暉稱拂吟牋更移  
畫船引佩環邀下嬋娟  
筭明朝未了重陽紫萸應耐看  
澡蘭香

林鍾羽

淮安重午

盤絲繫腕巧篆垂簪玉隱紺紗睡覺銀餅露并綵筆雲  
窗往事少年依約爲當時曾寫榴裙傷心紅綃褪萼黍  
夢光陰漸老汀洲煙弱莫唱江南古調怨抑難招楚  
江沈魄薰風燕乳暗雨梅黃午鏡深蘭簾幕念秦樓也  
擬人歸應翦菖蒲自酌但悵望一縷新蟾隨人天角

黍夢

詞譜黍上  
增次字

玉京謠

陳仲文自號藏一蓋取坡詩中萬人如海一身藏語  
爲度夷則商犯無射宮腔製此贈之

蝶夢迷清曉萬里無家歲晚貂裘敝載取琴書長安閒  
看桃李爛繡錦人海花場任客燕飄零誰計春風裏香



泥九陌文梁孤壘 微吟怕有詩聲翳鏡慵看但小樓  
獨倚金屋千嬌從他鴛煥秋被蕙帳移煙雨孤山待對  
影落梅清泚終不似江上翠微流水

繡錦

毛本作錦繡

任客燕

原鈔任作住毛本同從隨隱漫錄

探芳新

高平

二字据鐵網珊瑚補

吳中元日承天寺遊人

九街頭正輭塵潤酥雪消殘溜禊賞祇園花豔雲陰籠  
畫層梯峭空麝散擁淩波縈翠袖歎年端連環轉爛漫  
遊人如繡腸斷迴廊竚久便寫意濺波傳愁蹙岫漸  
沒飄鴻空惹閒情春瘦椒杯香乾醉醒怕西窗人散後  
暮寒深遲回處自攀庭柳

題鐵網珊瑚作賦元層梯峭原鈔峭字脫毛本

鳳池吟

慶梅津自畿漕除右司郎官

萬丈巍臺碧翠外  
袞袞野馬遊塵舊  
文書几閣昏朝  
醉暮覆雨翻雲  
忽變清明紫垣  
敕使下星辰  
經年事靜  
公門如水帝甸  
陽春長口父老  
相語幾百年  
見此獨  
駕冰輪又鳳鳴  
黃幕玉霄平  
遡鵲錦新恩  
畫省中書半  
紅梅子薦鹽  
新歸來晚待  
賡吟殿閣南薰

長口原鈔作長老毛本作長新恩畫省賡吟原

新作輕畫作事賡作  
慶毛本同竝從詞綜

暗香 仙呂宮

送魏句濱宰吳縣解組分韻得闔字

縣花誰葺記滿庭燕麥朱扉斜闔妙手作新公館青紅  
曉雲溼天際疏星趁馬簾晝隙冰絃三疊盡換卻吳水  
吳煙桃李靚春靨風急送帆葉正雁水夜清臥虹平  
帖軟紅路接塗粉闌深早催入懷煥天香宴果花隊簇  
輕軒銀蠟更問訛湖上柳兩隄翠市

題

毛本作句

簾晝

毛本作畫簾

暗香疏影

賦墨梅

占春壓一捲峭寒萬里平沙飛雪數點酥鈿凌曉東風  
吹裂獨曳橫梢瘦影入廣平裁冰詞筆記五湖清夜

推篷臨水一痕月 何遜揚州舊事五更夢半醒胡調  
吹徹若把南枝圖入淩煙香滿玉樓瓊闕相將初試紅  
鹽味到煙雨青黃時節想雁空北落冬深澹墨晚天雲  
闕

暗香疏影

原鈔調下注有前用暗香腔後用疏影腔  
十字疑出校者毛本暗香二字脫按是調

詞譜未載拾遺收張肯一闕見夢庵聯禾鈿  
芳詞詞序標夾鍾宮或仿夢窗而作

獨曳

一痕月

毛本鈿下空四格吹上未空  
格獨下行自字痕下行微字

吹裂

念奴嬌

賦德清縣圃明秀亭

思生晚眺岸烏紗平步春雲層綠菴畫屏風開四面各  
樣鶯花結束寒欲殘時香無著處千樹風前玉遊蜂飛

過隔牆疑是金谷 偏稱晚色橫煙愁凝峨眉澹生綃  
裙幅縹緲孤山南畔路相對花房竹屋谿足沙明巖陰  
石秀夢冷吟亭宿松風古澗高調月夜清曲

題

毛本清  
作明

惜紅衣

余從姜石帚遊苕霅閒三十五年矣重來傷今感昔  
聊以詠懷

鷺老秋絲蘋愁暮雪鬢那不白倒柳移栽如今暗谿碧  
烏衣細語傷絆惹茸紅曾約南陌前度劉郎尋流花蹤  
迹 朱樓水側雪面波光汀蓮沁顏色當時醉近繡箔  
夜吟寂三十六磯重到清夢冷雲南北買釣舟谿上應

有煙蓑相識

絆惹

毛本絆  
作伴

劉郎

按白石玉田李萊老詞是句  
夜吟  
第三字皆用仄聲  
劉疑阮誤

寂

原鈔寂字脫毛  
本同从詞綜

江南好

友人還中吳密圍坐客杯深情浹不覺沾醉越翼日  
吾儕載酒問奇字時齋示江南好詞紀前夕之事輒

次韻

行錦歸來畫眉添嫵暗塵重拂雕櫳穩  
春容圍密籠香暎靄煩纖手新點團龍  
溫柔處垂楊鞞  
髻□暗豆花紅  
行藏多是客鶯邊  
話別橘下相逢筭  
江湖幽夢頻繞殘鐘好結梅兄  
礬弟莫輕侶西燕南鴻

偏宜醉寒欺酒力簾外凍雲重

江南好

王棧云按此調卽滿庭芳殆以東坡詞有江南好句別易是名詞律於水調歌頭注云夢

窗名

江南好詞律拾遺謂與佳鳳凰臺上憶吹簫相近均誤周櫳原鈔櫳作籠毛

□

暗

原鈔未空格毛本同王棧云按集中慶春宮詞有豆花寒落愁燈句疑脫燈字

雙雙燕

小桃謝後雙雙燕飛來幾家庭戶輕煙曉暝湘水暮雲遙度簾外餘寒未捲共斜入紅樓深處相將占得雕梁似約韶光留住堪舉翩翩翠羽楊柳岸泥香半和梅雨落花風軟戲促亂紅飛舞多少呢喃意緒盡日向流鶯分訴還過短牆誰會萬千言語

題

原鈔作賦題毛本同刪

暮雲

原鈔雲作雨毛本同從詞譜

戲促

原鈔促作從毛本同

校從王還過詞譜作還憐又過

無悶

催雪

霓節飛瓊鸞駕弄玉杳隔平雲弱水倩皓鶴傳書衛姨  
呼起莫待粉河凝曉趁夜月瑤笙飛環佩正蹇驢吟影  
茶煙竈冷酒亭門閉歌麗汎碧蟻放繡簾半鈎寶臺  
臨砌要須借東君灞陵春二曉夢先迷楚蝶早風戾重  
寒侵羅被遺怕掩深院梨花又作故人清淚

無悶

原鈔調作催雪題作賦題詞律此以無悶賦催雪之詞後傳其題而逸其調名耳按丁注王沂

孫無悶詞並與此合据改

正蹇驢

繡簾

毛本正字

春二

毛本二作意

水調歌頭



賦魏方泉望湖樓

屋下半流水屋上幾青山當心千頃明鏡入座玉光寒  
雲起南峰未雨雲斂北峰初霽健筆寫青天俯瞰古城  
堞不礙小闌干 繡鞍馬輦紅路乍回班層梯影轉亭  
午信手展緗編殘照遊船收盡新月書簾纔捲人在翠  
壺閒天際笛聲起塵世夜漫漫

當心

亭午

毛本當作  
賞亭作停

洞仙歌

方庵春日花勝宴客爲得雛慶花翁賦詞俾屬韻末  
芳辰良宴人日春朝竝細縷青絲裹銀餅更玉犀金綵  
沾座分簪歌圍煥梅靨桃唇鬪勝 露房花曲折鶯入

新年添箇宜男小山枕待枝上飽東風結子成陰藍橋  
去還覓瓊漿一飲料別館西湖最情濃爛畫舫月明醉  
宮袍錦

秋思

夾鍾商

荷塘爲括蒼名姝求賦其聽雨小閣

堆枕香鬟側  
驪夜聲偏稱  
畫屏秋色風碎  
非珠潤侵歌  
板愁壓眉窄  
動羅篔清商寸心低  
訴敘怨抑映夢窗零  
亂碧待漲綠春深  
落花香汎料有斷紅流處  
暗題相憶  
歡酌檐花細滴  
送故人粉黛重飾漏侵瓊瑟  
丁東敲斷  
弄晴月白怕一曲霓裳未終  
催去驂鳳翼  
歎謝客猶未識  
漫瘦卻東陽  
鐙前無夢到得路隔重雲雁北

秋思毛本作秋思耗詞律同按秋思爲琴曲見白居易詩序上篇序當卽詞調所本或別本題首有毛

字傳寫誤衍歡酌毛本酌作耗俟考

江神子

賦洛北碧沼小庵

長安門外小林北碧壺秋浴輕鷗不放啼紅流水通原注

去聲宮溝時有晴空雲過影華鏡裏翳魚遊綺羅塵滿

九衢頭晚香樓夕陽收波面琴高仙子駕黃虬清磬數

聲人定了池上月照虛舟

題原鈔無洛北帝啼紅按啼疑通宮溝毛本通作透按字書通無仄聲

或當時九衢毛本衢作街

又

喜雨上麓翁

一聲玉磬下星壇步虛闌露華寒平曉阿香油壁碾青  
鸞應是老鱗眠不得雲礮落雨瓢翻身閒猶耿寸心  
丹炷鑪煙暗祈年隨處蛙聲鼓吹稻花田秋水一池蓮  
葉晚吟喜雨拍闌干

雨瓢

毛本作海潮

又

李別駕招飲海棠花下

翠紗籠袖映紅霏冷香飛洗凝脂睡足嬌多還是夜深  
宜翻怕迴廊花有影移燭暗放簾垂尊前不按駐雲  
詞料花枝妒蛾眉丁屬東風莫送片紅飛春重錦堂人

盡醉和曉月帶花歸

冷香飛

按飛與下闕  
片紅飛韻複

丁屬

原鈔屬作祝毛  
本同从王校

又

送桂花吳憲時已有檢詳之命未赴闕

天街如水翠塵空建章宮月明中人未歸來玉樹起秋  
風寶粟萬釘花露重催賜帶過垂虹夜涼沈水繡簾  
櫳酒香濃霧濛濛釵列吳娃騶褭帶金蟲三十六宮蟾  
觀冷留不住佩丁東

又

十日荷塘小隱賞桂呈朔翁

西風來晚桂開遲月宮移到東籬簌簌驚塵吹下半冰

規擬喚阿嬌來小隱金屋底亂香飛  
重陽還是隔年期蝶相思客情知吳水吳煙愁裏更多詩一夜看承應未別秋好處雁來時

又

送翁五峰自鶴江還都

西風一葉送行舟淺遲留艤汀洲新浴紅衣綠水帶香流應是離宮城外晚人竚立小簾鉤  
新歸重省別來愁黛眉頭半痕秋天上人閒斜月繡針樓湘浪莫迷花蝶夢江上約負輕鷗

沁園春

冰漕鑿方泉賓客請以名齋邀賦

澄碧西湖輭紅南陌銀河地穿見華星影裏仙棋局靜  
清風行處瑞玉圭寒斜谷山深望春樓遠無此崢嶸小  
涓川一泓地解新波不涸獨障狂瀾老蘇而後坡仙  
繼菊井嘉名相與傳試摩挲勁石無令角折丁寔明月  
莫沅規圓漫結鷗盟那知魚樂心止中流別有天無塵  
夜聽吾伊正在秋水闌干

題

原鈔作方泉毛本  
同从鐵網珊瑚

一泓

新波

而後

角折

毛本

一上行春字新作不  
而作兩角折作折角

又

送翁賓暘遊鄂渚

情如之何暮塗爲客忍堪送君便江湖天遠中宵同月

關河秋近何日清塵玉塵生風貂裘明雪幕府英雄今  
幾人行須早料剛腸肯帶淚眼離顰平生秀句清尊  
到帳動風開自有神聽夜鳴黃鶴樓高百尺朝馳白馬  
筆掃千軍賈傅才高岳家軍在好勒燕然石上文松江  
上念故人老矣甘臥閒雲

同月

須早

離顰

軍在

松江上

毛本月作舟  
須作清離作

難在作壯松  
江三字闕

珍珠簾

春日客龜谿過貴人家隔牆聞簫鼓聲疑是按歌竚  
立久之

蜜沈燼煨萸煙嫋層簾捲竚立行人官道麟帶壓愁香



聽舞簫雲渺恨縷情絲春絮遠悵夢隔銀屏難到寒峭  
有東風嫩柳學得腰小 遺近綠水清明歎孤身如燕  
將花頻繞細雨溼黃昏半醉歸懷抱蝨損歌紈人去久  
漫淚沾香蘭如笑書杳念客枕幽單看看春老

題

毛本歌  
作舞

燼燠

層簾捲

銀屏

嫩柳

毛本燼作  
鑪層簾三

字脫屏作卒謂原鈔醉作  
餅嫩作垂酉歸時从毛本  
看看春老  
毛本作看  
春漸老

風入松

爲友人放琴客賦

春風吳柳幾番黃歡事小蠻窗梅花正結雙頭夢  
龍吹散幽香昨夜鐙前歌黛今朝陌上啼妝 最憐無  
侶伴雛鶯桃葉已春江曲屏先燠鴛衾慣夜寒深都是

思量莫道藍橋路遠行雲只隔幽坊

又  
玉龍

原鈔玉上未空格  
毛本同从王校

歌黛

毛本歌  
作敬

又  
聽風聽雨過清明愁草瘞花銘樓前綠暗分攜路一絲  
柳一寸柔情料峭春寒中酒交加曉夢啼鶯西園日  
日掃林亭依舊賞新晴黃蜂頻撲鞦韆索有當時纖手  
香凝惆悵雙鴛不到幽階一夜落生

又  
題

原鈔作春晚感懷毛本  
同絕妙好詞無題据刪

又  
桂

蘭舟高蕩漲波涼愁被矮橋妨暮煙疏雨西園路誤秋

娘淺約宮黃還泊郵亭喚酒舊曾送客斜陽 蟬聲空  
曳別枝長似曲不成商御羅屏底翻歌扇憶西湖臨水  
開窗和醉重尋幽夢殘衾已斷熏香

矮橋妨

原鈔妨作坊毛本  
同从歷代詞餘

又

### 麓翁園堂宴客

一番疏雨洗芙蓉玉冷佩丁東轆轤聽帶秋聲轉早涼  
生傷井梧桐歡宴良宵好月佳人修竹清風 臨池飛  
閣乍青紅移酒小垂虹貞元供奉梨園曲稱十香深蘸  
瓊鍾醉夢孤雲曉色笙歌一派秋空

題

毛本麓翁  
作雲麓

梧桐

毛本梧  
字關

良宵

原鈔良作涼毛本同  
與上句早涼複从歷

代詩  
餘

又

鄰舟妙香

畫船簾密不藏香  
飛作楚雲狂  
傷懷半捲金鑪燼  
怕燠消春日  
朝陽清馥晴熏殘  
醉斷煙無限  
思量憑闌心事  
隔垂楊樓燕鎖  
幽妝梅花偏惱  
多情月慰谿橋流水  
昏黃哀曲霜鴻悽  
斷夢魂寒蝶幽颺

慰谿橋

按慰疑  
巖譌

鶯啼序

豐樂樓

天吳駕雲闔海凝  
春空燦綺倒銀海  
蘸影西城四碧天

鏡無際彩翼曳扶搖宛轉雲龍降尾交新霽近玉虛高  
處天風笑語吹墜 清濯緇塵快展曠眼傷危闌醉倚  
面屏障一一鶯花薜蘿浮動金翠慣朝昏晴光雨色燕  
泥動紅香流水步新梯藐視年華頓非塵世 麟翁袞  
舄領客登臨座有誦魚美翁笑起離席而語敢詫京兆  
以役爲功落成奇事明良慶會賡歌熙載隆都觀國多  
閒暇遣丹青雅飾餘華地平瞻太極天街潤納璇題露  
牀夜沈秋緯 清風觀闕麗日采鷁正午長漏遲爲洗  
盡脂痕茸唾淨捲麴塵承晝低垂繡簾十二高軒駟馬  
峨冠鳴佩班回花底修禊飲御鑪香分惹朝衣袂碧桃  
數點飛花湧出宮溝遶春萬里

鶯啼序

原鈔以豐樂樓爲調題作節齋新建此樓夢窗淳祐十一年二月作是時樓新建大書於

壁望幸馬

毛本略同毛本丁稿

雲龍句

毛本附刻作

後附刻此詞標鶯啼序調据改

雲龍句

毛本附刻作

相

以役

毛本役

分惹

原鈔惹字脫毛

曳

以役

毛本役

分惹

原鈔惹字脫毛

刻

以役

毛本役

分惹

原鈔惹字脫毛

又

殘寒正欺病酒掩沈香繡戶燕來晚飛入西城似說春

事遲暮畫船載清明過卻晴煙冉冉吳宮樹念羈情遊

蕩隨風化爲輕絮十載西湖傍柳繫馬趁嬌塵軟霧

溯紅漸招入仙谿錦兒偷寄幽素倚銀屏春寬夢窄斷

紅溼歌紈金縷暝隄空輕把斜陽總還鷗鷺幽蘭漸

老杜若還生水鄉尙寄旅別後訪六橋無信事往花委

瘞玉埋香幾番風雨長波妒盼遙山羞黛漁燈分影春  
江宿記當時短檝桃根渡青樓彷彿臨分敗壁題詩淚  
墨慘澹塵土危亭望極草色天涯歎鬢侵半苧暗點  
檢離痕歡唾尙染鮫綃彈鳳迷歸破鸞慵舞殷勤待寫  
書中長恨藍霞遼海沈過雁漫相思彈入哀箏柱傷心  
千里江南怨曲重招斷魂在否

題

原鈔作春晚感懷毛本同詞綜無題据刪殷勤毛本作

又

荷

和趙修全韻

橫塘棹穿豔錦引鴛鴦弄水斷霞晚笑折花歸紺紗低  
護燈蕊潤玉瘦冰輕倦浴斜拖鳳股盤雲墜聽銀牀聲

細梧桐漸攪涼思 窗隙流光冉冉迅羽訴空梁燕子  
誤驚起風竹敲門故人還又不至記琅玕新詩細指早  
陳迹香痕纖指怕因循羅扇恩疏又生秋意 西湖舊  
日畫舸頻移歎幾縈夢寐霞佩冷疊瀾不定麝靄飛雨  
乍溼鮫綃暗盛紅淚練單夜共波心宿處瓊簫吹月霓  
裳舞向明朝未覺花容悴媽香易落回頭澹碧消煙鏡  
空畫羅屏裏 殘蟬度曲唱徹西園也感紅怨翠念省  
慣吳宮幽憩暗柳追涼曉岸參斜露零漚起絲縈寸蕩  
留連歡事桃笙平展湘浪影有昭華穠李冰相倚如今  
鬢點淒霜半篋秋詞恨盈蠶紙

題

毛本作  
詠荷

棹穿

原鈔作穿棹  
毛本乙稿  
同从毛本丁稿  
複刻

低護

毛本複  
刻低作



籠

漸攪

冉冉

原鈔攪作覺冉冉作過如毛

記琅玕

二句

毛本複刻作記琅玕新詩陳述指香痕纖蔥玉指

練單二句

毛本複刻互倒

天香

熏衣香

珠絡玲瓏羅囊閒鬪酥懷煖麝相倚百和花鬚十分風  
韻半襲鳳箱重綺茜垂四角慵未揭流蘇春睡熏度紅  
薇院落煙消畫屏沈水 温泉絳綃乍試露華侵透肌  
蘭泚漫省淺谿月夜暗浮花氣荀令如今老矣但未減  
韓郎舊風味遠寄相思餘薰夢裏

茜垂

未揭

未減

毛本垂字關揭作結減作識

又

蠟梅

蟬葉黏霜蠅苞綴凍生香遠帶風峭嶺上寒多谿頭月  
冷北枝瘦南枝小玉奴有姊先占立牆陰春早初試宮  
黃澹薄偷分壽陽纖巧銀燭淚深未曉酒鍾慳貯愁  
多少記得短亭歸馬暮衙蜂鬧豆蔻釵梁恨嫋但悵望  
天涯歲華老遠信難封吳雲雁杳

蟬葉

毛本蟬作蟬

北枝句

詞綜作枝北枝南開小

玉漏遲

夷則商

原鈔是調有趙聞禮絮花寒食

路宋祁杏花飄禁苑二闕竝刪

瓜涇度中秋夕賦

雁邊風訊小飛瓊望杳碧雲先晚露冷闌干定怯蕩絲  
冰腕淨洗浮空片玉勝花影春鐙相亂秦鏡滿素娥未

肯分秋一半 每圓處卽良宵甚此夕偏饒對歌臨怨  
萬里嬋娟幾許霧屏雲幔孤兔淒涼照水曉風起銀河  
西轉摩淚眼瑤臺夢回人遠

題

原鈔作中秋毛本  
同从鐵網珊瑚

浮空

原鈔空作雲與上碧雲字  
復毛本同从鐵網珊瑚

對歌

原鈔對作萬里  
臨从毛本

鐵網珊瑚  
作共一

金瓊子

夾鍾商

賦秋壑西湖小築

卜築西湖種翠蘿猶傍輭紅塵裏來往載清吟爲偏愛  
吾廬畫船頻繫笑攜雨色晴光入春明朝市石橋鎖煙  
霞五百名仙第一人是 臨酒論深意流光轉鶯花任  
亂委冷然九秋肺腑應多夢巖扃冷雲空翠漱流枕石

幽情寫猗蘭綠綺專城處他山小隊登臨待西風起

臨酒

按酒字應叶  
疑當作醉

猗蘭

專城

毛本猗作  
綺專作轉

又

吳城連日賞桂一夕風雨悉已零落獨寓窗晚花方  
作小蕾未及見開有新邑之役揭來西館籬落閒媯  
然一枝可愛見似人而喜爲賦此解

賞月梧園恨廣寒宮樹曉風搖落莓砌掃珠塵空腸斷  
熏鑪燼消殘萼殿秋尙有餘花鎖煙窗雲幄新雁又無  
端送人江上短亭初泊籬角夢依約人一笑惺忪翠  
袖薄悠然醉魂喚醒幽叢畔淒香霧雨漠漠晚吹乍顛  
秋聲早屏空金雀明朝想猶有數點蜂黃伴我斟酌

永遇樂

林鍾商

過李氏晚妝閣見壁閒舊所題詞遂再賦

春酌沈沈晚妝的的仙夢遊慣錦湫維舟青門倚蓋還  
被寵鶯喚裴郎歸後崔娘沈恨漫客請傳芳卷聯題在  
頻經翠袖勝隔紺紗塵幔桃根杏葉膠黏緗縹幾回  
凭闌人換峨眉髻愁雲蘭香膩粉都爲多情褪離巾拭淚  
征袍染醉強作酒朋花伴留連怕風姨浪妒又吹雨斷  
多情褪

戈選褪作散按軫阮通

叶集中屢見褪字不誤

又

乙巳中秋風雨

風拂塵徽雨侵涼榻纔動秋思緩酒消更移鐙傍影淨

洗芭蕉耳銅華滄海愁霾重嶂燕北雁南天外筭陰晴  
渾似幾番渭城故人離會青樓舊日高歌取醉喚出  
玉人梳洗紅葉流光蘋花兩鬢心事成秋水白凝虛曉  
香吹輕燼倚窗小鉸疏桂問深宮姮娥正在妒雲第幾  
題原鈔乙巳二秋思喚出玉人毛本秋作幽喚出  
輕燼原鈔燼作鑪毛  
本同从杜校

又

探梅次時齋韻

閤雪雲低捲沙風急驚雁失序戶掩寒宵屏閒冷夢鐙  
颭脣似語堪憐窗景都閒刺繡但續舊愁一縷鄰歌散  
羅襟印粉袖溼菡桃紅露西湖舊日留連清夜愛酒

幾將花誤遺襪塵消題裙墨黯天遠吹笙路吳臺直下  
緗梅無限未放野橋香度重謀醉揉香弄影水清淺處  
似語毛本作  
語似

玉胡蝶

夷則商

原鈔是調有史達祖  
晚雨未摧一闕刪

角斷籤鳴疏點倦螢透隙低弄書光一寸悲秋生動萬  
種淒涼舊衫染唾凝花碧別淚想妝洗蜂黃楚魂傷雁  
汀沙冷來信微茫都忘孤山舊賞水沈爨露岸錦宜  
霜敗葉題詩御溝應不到流湘數客路又隨淮月羨故  
人還買吳航兩凝望滿城風雨催送重陽

題

原鈔作秋感  
毛本同刪

絳都春

仙呂

原鈔是調有丁仙現  
融和又報一闕刪

爲郭清華內子壽

香深霧煥正人在錦瑟年華深院舊日漢宮分得紅蘭  
滋吳苑臨池羞落梅花片弄水月初勻妝面紫煙籠處  
雙鸞共跨洞簫低按歌管紅圍翠袖凍雲外似覺東  
風先轉繡畔晝遲花底天寬春無限仙郎驕馬瓊林宴  
待捲上珠簾教看更傳鶯入新年寶釵夢燕

又

餞李太博赴括蒼別駕

羈雲旅雁斂倦羽寄棲牆陰年晚問字翠尊刻燭紅牋  
慳曾展冰灘鳴佩舟如箭笑烏幘臨風重岸傍鄰垂柳  
清霜萬縷送將人遠吳苑千金未惜買新賦共賞文



園詞翰流水翠微明月清風平分半梅深驛路香不斷  
萬玉舞采恩東畔料應花底春多軟紅霧煥

羈雲

傍鄰

未惜

梅深

東畔

料應

毛本羈雲作長

亭榭鄰作可憐惜作散梅作花畔作苑料作祇

又

題蓬萊閣燈屏

履翁帥越

螺屏煥翠正霧捲暮色星河浮霽路幕遞香街馬衝塵  
東風細梅槎淩海橫鼈背倩穩載蓬萊雲氣寶階斜轉  
冰娥素影夜清如水應記千秋化鶴舊華表認得山  
川猶是暗解繡囊爭擲金錢遊人醉笙歌曉度晴霞外  
又上苑春生一葦便教接宴鶯花萬紅鏡裏

又  
題

毛本無旁注四字

寶階

毛本階作街

又

爲李筓房量珠賀

情黏舞線悵駐馬灞橋天寒人遠旋翦露痕移得春嬌  
栽瓊苑流鶯常語煙中怨恨三月飛花零亂豔陽歸後  
紅藏翠掩小坊幽院誰見新腔按徹背鐙暗共倚筓  
屏蔥蒨繡被夢輕金屋妝深沈香換梅花重洗春風面  
正谿上參橫月轉竝禽飛上金沙瑞香霧煥

筓屏

毛本筓作寶

妝深

原鈔妝作裝毛本同从杜校

霧煥

原鈔霧作雲毛本同按前

後五調是處皆用去聲从歷代詩餘

又

燕亡久矣京口適見似人悵怨有感

南樓墜燕又銜暈夜涼疏簾空捲葉吹暮喧花露晨晞  
秋光短當時明月娉婷伴悵客路幽局俱遠霧鬢依約  
除非照影鏡空不見別館秋娘乍識似人處最在雙  
波凝盼舊色舊香閒雨閒雲情終淺丹青誰畫真真面  
便祇作梅花頻看更愁花變梨雲又隨夢散

娉婷伴

原鈔伴作畔注云當  
作伴毛本同据改

誰畫

毛本誰  
作難

又

余往來清華池館六年賦詠屢矣感昔傷今益不堪  
懷乃復作此解

春來雁渚弄豔冶又入垂楊如許困舞瘦腰啼溼宮黃

池塘雨碧沿蒼蘚雲根路尙追想凌波微步小樓重上  
憑誰爲唱舊時金縷 凝竚煙蘿翠竹欠羅袖爲倚天  
寒日暮強醉梅邊招得花奴來尊俎東風須惹春雲住  
□莫把飛瓊吹去便教移取熏籠夜溫繡戶

題

原鈔矣作以毛  
本同从王校

莫把

原鈔上未空格毛本同  
詞匯補更字从王校

惜秋華

夾鍾商

重九

細響殘蛩傍燈前似說深秋懷抱怕上翠微傷心亂煙  
殘照西湖鏡掩塵沙翳曉影秦鬟雲擾新鴻喚淒涼漸  
入紅萸烏帽 江上故人老視東籬秀色依然娟好晚  
夢趁鄰杵斷乍將愁到秋娘淚溼黃昏又滿城雨輕風

小閒了看芙蓉畫船多少

又

八日登高

飛翼樓

思渺西風悵行蹤浪逐南飛高雁怯上翠微花樓更堪  
憑晚蓬萊對起幽雲澹野色山容愁捲清淺瞰滄波靜  
銜秋痕一線十載寄吳苑慣東籬深把露黃偷翦移  
暮影照越鏡意消香斷秋娥賦得閒情倚翠尊小眉初  
展深勸待明朝醉巾重岸

題

毛本登高  
在樓字下

花樓

深把

暮影

毛本花作危深下  
衍處字影作景

又

七夕

露冑蛛絲小樓陰墮月秋驚華鬢宮漏未央當時鈿釵  
遺恨人閒夢隔西風筭天上年華一瞬相逢縱相疏勝  
卻巫陽無準何處動涼訊聽露井梧桐楚騷成韻彩  
雲斷翠羽散此情難問銀河萬古秋聲但望中婺星清  
潤輕俊度金針漫牽方寸

遺恨

原鈔遺上行送字  
毛本同从詞譜

又

七夕前一日送人歸鹽官

數日西風打秋林棗熟還催人去瓜果夜深斜河擬看  
星度怱怱便倒離尊悵遇合雲消萍聚留連有殘蟬韻  
晚時歌金縷綠水暫如許柰南牆冷落竹煙槐雨此

去杜曲已近紫霄尺五扁舟夜宿吳江正水佩霓裳無  
數眉嫵問別來解相思否

又

木芙蓉

路遠仙城自王郎去後芳卿憔悴錦段鏡空重鋪步障  
新綺凡花瘦不禁秋幻膩玉腴紅鮮麗相攜試新妝乍  
畢交扶輕醉長記斷橋外驄玉驄過處千嬌凝睇昨  
夢頓醒依約舊時眉翠愁邊暮合碧雲倩唱入六幺聲  
裏風起舞斜陽闌干十二

原注大曲六幺王子高  
芙蓉城事有樓名碧雲

去後

步障

毛本後作  
卻障作幢

惜黃花慢

夷則羽

菊

粉靨金裳映繡屏認得舊日蕭娘翠微高處故人帽底  
一年最好偏是重陽避春祇怕春不遠望幽徑偷理秋  
妝殢醉鄉寸心似翦飄蕩愁觴 潮顛笑入清霜鬪萬  
花樣巧深染蜂黃露痕千點自憐舊色寒泉半掬百感  
幽香雁聲不到東籬畔滿城但風雨淒涼最斷腸夜深  
怨蝶飛狂

一年

原鈔二字  
脫从毛本

望幽徑

毛本望  
作倘

又

次吳江小泊夜飲僧窗惜別邦人趙簿攜小妓侑尊  
連歌數闋皆清真詞酒盡已四鼓賦此詞餞尹梅津



送客吳皋正試霜夜冷楓落長橋望天不盡背城漸杳  
離亭黯黯恨水迢迢翠香零落紅衣老暮愁鎖殘柳眉  
梢念瘦腰沈郎舊日曾繫蘭橈仙人鳳咽瓊簫悵斷  
魂送遠九辨難招醉鬢留盼小窗翦燭歌雲載恨飛上  
銀霄素秋不解隨船去敗紅趁一葉寒濤夢翠翹怨鴻  
料過南譙

題

毛本邦人  
作邦父

怨鴻

原鈔鴻作紅與上句敗  
紅字複毛本同从王校

十二郎

垂虹橋

上有垂虹亭屬吳江

素天際水浪拍碎凍雲不凝記曉葉題霜秋鐙吟雨曾  
繫長橋過艇又是賓鴻重來後猛賦得歸期纔定嗟繡

鴨解言香鱸堪釣尙廬人境 幽興爭如其載越娥妝  
鏡念倦客依前貂裘茸帽重向淞江照影酌酒蒼茫倚  
歌平遠亭上玉虹腰冷迎醉面暮雪飛花幾點黛愁山  
暝

醉蓬萊

夷則商

按樂章集  
作林鍾商

七夕和方南山

□碧天書斷寶枕香留淚痕盈袖誰識秋娘比行雲纖  
瘦象尺熏鑪翠針金縷記倚牀同繡月鞞瓊梳冰消粉  
汗南花熏透 盡是當時少年清夢臂約痕深帕綃紅  
皺憑鵲傳音恨語多輕漏潤玉留情沈郎無奈向柳陰  
期候數曲催闌雙鋪深掩風鐙鳴獸

碧天

秋娘

翠金

毛本首句作碧天書  
信斷娘作娥針作鏤

燭影搖紅

大石調

壽荷塘

時荷塘寓京

西子西湖賦情合載鴟夷棹斷橋直去是孤山應爲梅  
花到幾度吟昏醉曉背東風偷閒鬪草亂鴉啼後解佩  
歸來春懷多少千里嬋娟茂園今夜同清照櫻脂茸  
唾聽吟詩爭似還家好昵昵西窗語笑鳳雲深瓊簫縹  
緲願春如舊柳帶同心花枝壓帽

題

毛本作毛荷塘生日  
留京不歸賦以寄意

又

麓翁夜宴園堂

新月侵階彩雲林外笙簫透銀臺雙引繞花行紅墜香  
沾袖不管籤聲轉漏更明朝棋消永晝靜中閒看倦羽  
飛還遊雲出岫隨處春光翠陰那只西湖柳去年谿  
上牡丹時還試長安酒都把愁懷抖擻笑流鶯啼春漫  
瘦曉風惡盡妒雪寒消青梅如豆

題

毛本麓翁作  
是雲麓堂作亭

那只

惡盡

毛本只作抵  
惡盡作盡惡  
寒消原鈔  
寒作

梅从  
毛本

青梅句

毛本作梅  
梢成豆

又

餞馮深居

翼日其初度

飛蓋西園晚秋卻勝春天氣霜花開盡錦屏空紅葉新  
裝綴時放清杯汎水暗淒涼東風舊事夜吟不絕松影

闌干月籠寒翠 莫唱陽關但憑綵袖歌千歲秋星入  
夢隔明朝十載吳宮會一棹回潮度葦正西窗鐙花報  
喜柳蠻櫻素試酒爭憐不教不醉

卻勝

毛本卻作恰

時放

原鈔放作泛从毛本

不絕

毛本絕作就

又

元夕雨

碧澹山姿暮寒愁沁歌眉淺障泥南陌潤輕酥鐙火深  
深院入夜笙歌漸煥綵旗翻宜男舞徧恣遊不怕素襪  
塵生行裙紅濺 銀燭籠紗翠屏不照殘梅怨洗妝清  
鬢溼春風宜帶啼痕看楚夢留情未散素娥愁天深信  
遠曉窗移枕酒困香殘春陰簾捲

又  
清鬢

原鈔清作素按前後六調是處無用去聲者从毛本

天深

毛本深作長

又  
壽嗣榮王

天桂飛香御花簇座千秋宴笑從王母摘仙桃瓊醴雙  
金瓊掌上龍珠照眼映蘿圖星暉海濶浮槎遠到水淺  
蓬萊秋明河漢寶月將弦晚鉤斜挂西簾捲未須十  
日便中秋爭看清光滿淨洗紅塵障面賀朝霖催班正  
殿喜回天上紫府開筵瑤池宣勸

又  
蘿圖

毛本蘿作羅

浮槎

原鈔浮字闕从毛本

又  
賦德清縣圃古紅梅

莓鎖虹梁稽山祠下當時見橫斜無分照谿光珠網空  
凝徧姑射青春對面駕飛虬羅浮路遠千年春在新月  
落池黃昏山館花滿河陽爲君羞褪晨妝蒨雲根直  
下是銀河客老秋槎變雨外紅鉛洗斷又晴霞驚飛暮  
管倚闌祇怕弄水鱗生乘東風便

又

越上霖雨應禱

秋入鐙花夜深檐影琵琶語越娥青鏡洗紅埃山鬪秦  
眉嫵相閒金茸翠畝認城陰春耕舊處晚春相應新稻  
炊香疏煙林莽清磬風前海沈宿嫋芙蓉炷阿香秋  
夢起嬌啼玉女傳幽素人駕梅槎未渡試梧桐聊分宴

俎采菱別調留取蓬萊霎時雲住

梅槎

毛本梅作海

醜奴兒慢

黃鍾商

雪

麓翁飛翼樓觀

東風未起花上纖塵無影峭雲溼凝酥深隴乍洗梅清  
釣捲愁絲冷浮虹氣海空明若耶門閉扁舟去嬾客思  
鷗輕幾度問春倡紅冶翠空媚陰晴看眞色千巖一  
素天澹無情醒眼重開玉鉤簾外曉峰青相扶輕醉越  
王臺上更最高層

醜奴兒慢

原鈔慢字脫毛本同从王校題

毛本作麓

觀釣捲

毛本作鈎簾

越王二句

毛本複刻作越山更上臺最高層



又

雙清樓

錢塘門外

空濛乍斂波影簾花晴亂正西子梳妝樓上鏡舞青  
潤逼風襟滿湖山色入闌干天虛鳴籟雲多易雨長帶  
秋寒遙望翠凹隔江時見越女低鬟筓堪羨煙沙白  
鷺暮往朝還歌管重城醉花春夢半香殘乘風邀月持  
杯對影雲海人閒

題

毛本錢塘  
上有在字

低鬟

原鈔作鬢低毛本  
同從歷代詩餘

木蘭花慢

遊虎丘

陪倉幕時魏益齋已被親擢陳芬窟李方庵

皆將滿秩

紫騮嘶凍草曉雲鎖岫眉顰正蕙雪初消松腰玉瘦憔悴眞眞輕藜漸穿險磴步荒落猶認瘞花痕千古興亡舊恨半些殘日孤雲開尊重弔吳魂嵐翠冷洗微醺問幾曾夜宿月明起看劒水星紋登臨總成去客更輒紅先有探芳人回首滄波故苑落梅煙雨黃昏

曉雲鎖

原鈔鎖作銷毛本同从歷代詩餘

又

重遊虎北

步層北翠莽□□處更春寒漸晚色催陰風花弄雨愁起闌干驚翰帶雲去杳任紅塵一片落人閒青塚麒麟有恨臥聽簫鼓遊山年年葉外花前腰豔楚鬢成潘

歎寶歷瘞久青萍共化裂石空磬塵緣酒沾粉汗問何  
人從此濯清泉一笑掀髯付與寒松瘦倚蒼巒

□□處

腰豔楚

毛本闕文未  
空格腰作嬌

又

### 送翁五峰遊江陵

送秋雲萬里筭舒捲總何心歎路轉羊腸人營燕壘霜  
滿蓬簪愁侵庾塵滿袖便封侯那羨漢淮陰一醉蓴絲  
膾玉忍教菊老松深離音又聽西風金井樹動秋吟  
向暮江目短鴻飛渺渺天色沈沈沾襟四絃夜語問楊  
瓊往事到寒砧爭似湖山歲晚靜梅香底同斟

題

毛本陵  
字脫

舒捲

目短

毛本舒捲作  
短舒短作斷

又

重泊垂虹

酌清杯問水慣曾見幾逢迎自越棹輕飛秋尊歸後杞  
菊荒荊孤鳴舞鷗慣下又漁歌忽斷晚煙生雪浪閒消  
釣石冷楓頻落江汀長亭春恨何窮目易盡酒微醒  
悵斷魂西子凌波去杳環佩無聲陰晴最無定處被浮  
雲多翳鏡華明□曉東風霽色綠楊樓外山青

題

毛本垂虹  
二字脫

又

餞韓似齋赴江東離幕

潤寒梅細雨捲鐙火暗塵香正萬里胥濤流花漲膩春

共東江雲檣未傳燕語過  
罨魚垂柳舞鵝黃  
留取行人繫馬輭紅深處聞鶯  
悠颺霽月清風凝望久  
鄧山蒼  
又紫簫一曲還吹別調  
楚際吳笳仙方袖中祕寶遺蓬萊  
弱水變飛霜  
寒食春城秀句趁花飛入宮牆

題

原鈔巖作醜毛本同从杜校

悠颺

鄧山

毛本悠颺在疑望下鄧作鄧玉校云太平

寰字記江南東道明州理鄧縣宋史食貨志鹽法在浙江曰明州昌國東西兩監鄧屬均州與巖幕無涉

趁花

原鈔趁作赴毛本同从杜校

又

餞趙山臺

指罨魚曉月動涼信  
又催歸正玉漲松波  
花穿畫舫無限紅衣青絲  
傍橋淺繫問笛中誰奏  
鶴南飛西子冰綃

冷處素娥寶鏡圓時 清奇好借秋光臨水色寫瑤卮  
向醉中織就天孫雲錦一杼新詩依稀數聲禁漏又東  
華塵染帽檐緇爭似西風小隊便乘鱸膾秋肥

又

施芸隱隨繡節過浙東作詞留別用其韻以餞

幾臨流送遠漸荒落舊郵亭念西子初來當時望眼啼  
雨難晴娉婷素紅共載到越吟翻調倚吳聲得意東風  
去棹怎憐會重離輕 雲零夢繞浮觴流水畔敘幽情  
恨賦筆分攜江山委秀桃李荒荊經行問春在否過汀  
洲暗憶百花名鶯縷爭堪細折御黃隄上重盟

喜遷鶯

太簇宮中管高宮

同丁基仲過希道家看牡丹

凡塵流水正春在絳闕瑤階十二煥日明霞天香盤錦  
低映曉光梳洗故苑浣花沈恨化作妖紅斜紫困無力  
倚闌干還倩東風扶起公子留意處羅蓋牙籤一一  
花名字小扇翻歌密圍留客雲葉翠溫羅綺豔波紫金  
杯重人倚妝臺微醉夜和露翦殘枝點點花心清淚

浣花

毛本浣  
作澆

又

吳江與閒堂

王臘庵家

煙空白鷺乍飛下似呼行人相語細縠春波微痕秋月  
曾認片帆來去萬頃素雲遮斷十二紅簾鉤處黯愁遠

向虹腰時送斜陽凝竚 輕許孤夢到海上璣宮玉冷  
深窗戶遙指人閒隔江煙火漠漠水漠漠搖暮看暮斷磯  
殘釣替卻珠歌雪舞吟未了去恁恁清曉一闌煙雨

題

毛本作玉璣庵與閒堂

璣宮

毛本璣作幾

深窗戶

原鈔深作涼从毛本煙火

水漠

毛本煙作鏡漠作蘋

又

福山蕭寺歲除

江亭年暮趁飛雁又聽數聲柔艣藍尾杯單膠牙餠澹  
重省舊時羈旅雪舞野梅籬落寒擁漁家門戶晚風峭  
做初番花訊春還知否 何處圍豔冶紅燭畫堂博塞  
良宵午誰念行人愁先芳草輕送年華如羽自剔短檠



不睡空索綵桃新句便歸好料鵝黃已染西池千縷

知否

原鈔知作春从毛本

又

甲辰冬至寓越兒輩尙留瓜涇蕭寺

冬分人別渡倦客晚潮傷頭俱雪雁影秋空蝶情春蕩  
幾處路窮車絕把酒共溫寒夜倚繡添慵時節又底事  
對愁雲江國離心還折吳越重會面點檢舊吟同看  
鐙花結兒女相思年華輕送鄰戶斷簫聲噎待移杖藜  
雪後猶怯蓬萊寒闌晨起嬾任鴉林催曉梅窗沈月

春蕩

晨起嬾

原鈔春作秋晨作最嬾作晚竝从毛本

探芳信

夾鍾羽

與李方庵聯舟入杭時方庵至嘉興索舊燕同載是  
夕雪大作林麓洲渚皆瓊瑤方庵馳小序求詞且約  
訪蔡公甫

夜寒重見羽葆將迎飛瓊入夢整素妝歸處中宵按瑤  
鳳舞春歌夜棠梨岸月冷和雲凍畫船中太白仙人錦  
袍初擁應過語谿否試笑挹中郎還叩清弄粉黛湖  
山欠攜酒共飛鞚洗杯時換銅觚水待作梅花供問何  
時帶雨鋤煙自種

語谿

原鈔語作浯毛  
本同从王校

又

丙申歲吳鐙市盛常年余借宅幽坊一時名勝遇合

置杯酒接殷勤之歡甚盛事也

分鏡字韻

煥風定正賣花吟春去年曾聽旋自洗幽蘭銀餅鈞金  
井斗窗香煥慳留客街鼓還催暝調雛鶯試遣深杯喚  
將愁醒  鐙市又重整待醉勒遊韁緩穿斜徑暗憶芳  
盟綃帕淚猶疑吳宮十里吹笙路桃李都羞靚繡簾人  
怕惹飛梅翳鏡

又

爲春瘦更瘦如梅花花應知否任枕函雲墜離懷半中  
酒雨聲樓閣春寒裏寂寞收鐙後甚年年鬪草心期探  
花時候  嬌嬾強拈繡暗背裏相思閒供晴晝玉合羅  
囊蘭膏漬紅豆舞衣疊損金泥鳳妒折闌干柳幾多愁

兩點天涯遠岫

題

原鈔作春情毛本無題据刪

紅豆

毛本紅上有透字

又

麓翁小園早飲客供棋事琴事

轉芳徑見霧捲晴漪魚弄遊影旋解纓濯翠臨流撫淩  
鏡半林竹色花香處意足多新詠試衣單雁欲來時舊  
寒纔定門巷對深靜但酒敵春濃棋消日永舊曲猗  
蘭待留向月中聽藻池不通原注去聲宮溝水任汎流紅冷  
小闌干笑拍東風醉醒

臨流撫淩鏡

半林

試衣五字

對深靜

春濃

棋消

猗蘭

藻池不通

醉醒

毛本流作杆撫淩鏡三字闕半

作修試衣五字作試把龍脣供對作都春濃作曉寒  
棋作供猗蘭作漪瀾藻池不通作藻蘋密布醉作醇

又

賀麓翁祕閣滿月

探春到見綵花釵頭玉燕來  
早正紫龍眠重明月弄清  
曉夜塵不浸銀河水金盃  
供新澡鎮帷犀護緊東風秀  
藏芝草星斗粲懷抱問霧煥  
藍田玉長多少禁苑傳  
香柳邊語聽鶯報片雲飛  
趁春潮去紅輦長安道  
試回頭一點蓬萊翠小

題

毛本麓翁作雲麓先生

不浸

毛本浸作沁

聲聲慢

原鈔是調有劉涇梅黃金重一闕刪

詠桂花

藍雲籠曉玉樹懸秋交加金釧霞枝人起昭陽禁寒粉  
粟生肌濃香最無著處漸冷香風露成霏繡茵展怕空  
階驚墜化作螢飛三十六宮愁重問誰持金鐻和月  
都移掣鎖西廂清尊素手重攜秋來鬢華多少任烏紗  
醉壓花低正搖落歎淹留客又未歸

又

濃香按香字與下句冷香複疑有一誤

又

四香

友人以梅蘭瑞香水仙供客曰四香分韻得風

字

雲深山鳴煙冷江皋人生未易相逢一笑鐙前釵行兩  
兩春容清芳夜爭真態引生香撩亂東風探花手與安

排金屋懊惱司空  
憔悴敲翹委佩恨玉奴消瘦飛趁  
輕鴻試問知心尊前誰最情濃連呼紫雲伴醉小丁香  
纔吐微紅還解語待攜歸行雨夢中

伴醉

原鈔醉作最注云當  
作醉毛本同据改

又

陪幕中餞孫無懷於郭希道池亭閨重九前一日

檀欒金碧婀娜蓬萊遊雲不蘸芳洲露柳霜蓮十分點  
綴成秋新彎畫眉未穩似含羞低護牆頭愁送遠駐西  
臺車馬共惜臨流知道池亭多宴掩庭花長是驚落  
秦謳膩粉闌干猶聞凭袖香留輸他翠漣拍顰瞰新妝  
時浸明眸簾半捲帶黃花人在小樓

題

毛本作閨重九飲郭園

霜蓮

陽春白雪蓮作蓬

成秋

低護

時浸

明眸

毛本成作殘護作度時浸明眸作終日凝眸

又

飲時貴家卽席三姬求詞

春星當戶眉月分心羅屏繡幕圍香歌緩□□輕塵暗  
歎文梁秋桐汎商絲雨恨未回飄雪垂楊連寶鏡更一  
家姊妹曾入昭陽鶯燕堂深誰到爲殷勤須放醉客  
疏狂量減離懷孤負蘸甲清觴曲中倚嬌佯誤筭只圖  
一顧周郎花鎮好駐年華長在瑣窗

歌緩

暗歎

原鈔緩下未空格歎作藪毛本同竝从王校

又



宏庵宴席有持桐子侑俎者自云其姬親剝之

寒宵驚墜香豆初收銀牀一夜霜深亂瀉明珠金盤來  
薦清斟綠窗細剝檀皴料水晶微損春簪風韻處惹手  
香酥潤櫻口脂侵重省追涼前事王風吟莎并月碎  
苔陰顆顆相思無情漫攪秋心銀臺翦花杯散夢阿嬌  
金屋沈沈甚時見露十香釵燕墜金

寒筍

十香

毛本筍作  
簫十作拾

又

畿漕新樓

上尹梅津

清漪銜苑御水分流阿階西北青紅朱棋浮雲碧窗宿  
霧濛濛璇題淨橫秋影笑南飛不過新鴻延桂景見素

娥梳洗微步瓊空  
城外湖山十里想無時長敞罨畫  
簾櫳暗柳回隄何須繫馬金狻鶖花翰林千首彩毫飛  
海雨天風鳳池上又相思春夜夢中

題

毛本漕下有  
廡建二字

銜苑

原鈔銜作銜毛  
本同从王校

罨畫

毛本畫  
作畫

又

贈藕花洲尼

六銖衣細一葉舟輕黃蘆堪笑浮槎何處汀洲雲瀾錦  
浪無涯秋姿澹凝水色豔真香不染春華笑歸去傍金  
波開戶翠屋爲家 回施紅妝青鏡與一川平綠五月  
晴霞頰玉杯中西風不到窗紗端的舊蓮深蕙料采菱  
新曲羞誇秋澹豔對年年人勝似花

又  
題

原鈔尼字脫毛  
本同从王校

翠屋

回施

舊蓮深意

毛本屋  
作帷施

作首蓮作  
連意作意

又

壽魏方泉

鶯團橙徑鱸躍蓴波重來兩過中秋酒市漁鄉西風勝  
似春柔宿春去年村墅看黃雲還委西疇鳳池去信吳  
人有分借與遲留應是香山續夢又疑香追詠重到  
蘇州青鬢江山足成干歲風流圍腰御仙花底襯月中  
金粟香浮夜宴久攬秋雲平倚畫樓

又  
題

毛本魏  
字脫

餞魏繡使泊吳江爲友人賦

旋移輕鷁淺傍垂虹還因送客遲留淚雨橫波遙山眉  
上新愁行人倚闌心事問誰知只有沙鷗念聚散幾楓  
丹霜渚萼綠春洲漸近香菰炊黍想紅絲織字未遠  
青樓寂寞漁鄉爭如連醉溫柔西窗夜深翦燭夢頻生  
不放雲收共悵望認孤煙起處是州

是州

毛本州作洲

高陽臺

豐樂樓

分韻得如字

修竹凝妝垂楊駐馬憑闌淺畫成圖山色誰題樓前有  
雁斜書東風緊送斜陽下弄舊寒晚酒醒餘自消凝能

幾花前頓老相如 傷春不在高樓上在燈前敲枕雨  
外熏鑪怕艤遊船臨流可柰清臞飛紅若到西湖底攪  
翠瀾總是愁魚莫重來吹盡香緜淚滿平蕪

題原鈔無分韻五字毛垂楊毛本楊斜陽鄭文焯曰

本同从絕妙好詞能幾怕艤絕妙好詞能幾莫重來原鈔

句斜書複疑作殘愁毛本同从絕妙好詞

又

落梅

宮粉雕痕仙雲墮影無人野水荒灣古石埋香金沙鎖  
骨連環南樓不恨吹橫笛恨曉風千里關山半飄零庭  
上黃昏月冷闌干 壽陽空理愁鸞問誰調玉髓暗補

香癡細雨歸鴻孤山無限春寒離魂難倩招清些夢縞  
衣解佩谿邊最愁人啼鳥晴明葉底青圓

庭上

陽春白雪  
上作院

空理愁鸞

絕妙好詞作宮裏愁鸞鏡  
杜校云鸞字叶韻後闕詞

場場字亦叶另一  
體毛本空作宮

又

送王歷陽以右曹赴闕

淝水秋寒淮隄柳色別來幾換年光紫馬行遲纔生夢  
草池塘便乘丹鳳天邊去禁漏催春殿稱觴過松江雪  
弄飛花冰解鳴璫芳洲酒社詞場賦高臺陳迹曾醉  
吳王重上逋山詩清月瘦昏黃春風侍女衣篝畔早鵲  
袍已煥天香到東園應費新題千樹落蒼

衣篝

畔原鈔畔字  
闕从毛本

又

壽毛荷塘

風嫋垂楊雪消蕙草何如清潤潘郎風月襟懷揮毫倚  
馬成章仙都觀裏桃千樹映麴塵十里荷塘未歸來應  
戀花洲醉玉吟香東風晴晝濃如酒正十分皓月一  
半春光燕子重來明朝傳夢西窗朝寒幾煥金鑪燼料  
洞天日月偏長杏園詩應待先題嘶馬平康

又

按原鈔是詞誤列畫錦堂調毛本同杜校从詞律改  
標慶春澤卽高陽臺也今以集中分調之例移此

過種山

卽越文種墓

帆落迴潮人歸故國山椒感慨重遊弓折霜寒機心已

墮沙鷗鏡前寶劍清風斷正五湖雨笠扁舟最無情巖  
上閒花腥染春愁 當時白石蒼松路解勒回玉輦霧  
掩山羞木客歌闌青春一夢荒北年年古苑西風到雁  
怨啼綠水蕩秋莫登臨幾樹殘煙西北高樓

倦尋芳

林鍾羽

花翁遇舊歡吳門老妓李憐邀分韻同賦此詞

墜餅恨并分鏡迷樓空閉孤燕寄別崔徽清瘦畫圖春  
面不約舟移楊柳繫有緣人映桃花見敘分攜悔香癡  
漫熱綠鬢輕翦 聽細語琵琶寫怨客鬢蒼華衫袖溼  
徧漸老芙蓉猶自帶霜宜看一縷情深朱戶掩兩痕愁  
起青山遠被西風又驚吹夢雲分散



題

原鈔吳門下十  
二字脫从毛本

分鏡

毛本分  
作塵

空閉孤燕

悔香瘢

原鈔空作只孤字

毛本

宜看

毛本宜字脫詞  
旨引作五字句

又

上元

海霞倒影空霧飛香天市催晚暮  
壓宮梅相對畫樓簾  
捲羅襪輕塵花笑語寶釵爭豔  
春心眼亂簫聲正風柔  
柳弱舞肩交燕念窈窕東鄰深  
巷鐙外歌沈月上花  
淺夢雨離雲點點漏壺清怨珠  
絡香消空念往紗窗人  
老羞相見漸銅壺閉春陰曉寒  
人倦

空念往

原鈔往作住毛  
本同从詞綜

銅壺

按壺字與上漏  
壺複疑華誤

又

餞周糾定夫

暮帆挂雨冰岸飛梅春思零亂送客將歸偏是故宮離  
苑醉酒會同涼月舞尋芳還隔紅塵面去難留悵芙蓉  
路窄綠楊天遠便繫馬鶯邊清曉煙草晴花沙潤香  
軟爛錦年華誰念故人遊倦寒食相思隄上路行雲應  
在孤山畔寄新吟莫空回五湖春雁

三姝媚

夷則商

吹笙池上道爲王孫重來旋生芳草水石清寒過半春  
猶自燕沈鶯悄穉柳闌干晴蕩漾禁煙殘照往事依然  
爭忍重聽怨紅淒調曲榭方亭初掃印蘚迹雙鴛記  
穿林窈頓隔年華似夢回花上露晞平曉恨逐孤鴻客

又去清明還到便鞚牆頭歸騎青梅已老

題

原鈔作詠春  
情毛本同刪

又

過都城舊居有感

湖山經醉慣漬春衫啼痕酒痕無限又客長安歎斷襟  
零袂沍塵誰浣紫曲門荒沿敗井風搖青蔓對語東鄰  
猶是曾巢謝堂雙燕春夢人閒須斷但怪得當年夢  
緣能短繡屋秦箏傍海棠偏愛夜深開宴舞歇歌沈花  
未減紅顏先變竚久河橋欲去斜陽淚滿

又客

絕妙好詞  
又作久詞

沍塵

毛本沍  
作汗

但怪得

夜深

原鈔怪  
作惟深

作淺毛本同竝  
从陽春白雪

又

姜石帚館水磨方氏會飲總宜堂卽事寄毛荷塘

酣春青鏡裏照清波明眸暮雲愁髻半綠垂絲正楚腰  
纖瘦舞衣初試燕客飄零煙樹冷青驄曾繫畫館朱樓  
還把清尊慰春憔悴離苑幽芳深閉恨淺薄東風褪  
花消膩綵箴翻歌最賦情偏在笑紅顰翠暗拍闌干看  
散盡斜陽船市付與金衣清曉花深未起

題

原鈔末四字  
脫从毛本

愁髻

朱樓

毛本髻作  
斂樓作橋

幽芳

按芳疑  
坊誤

金衣

毛本上行  
嬌鶯二字

畫錦堂

中呂商

舞影鐙前簫聲酒外獨鶴華表重歸舊雨殘雲仍在門

巷都非愁結春情迷醉眼老憐秋倚蛾眉難忘處猶  
恨繡籠無端誤放鶯飛當時征路遠歡事差十年輕  
負心期楚夢秦樓相遇共歎相違淚香沾溼孤山雨瘦  
腰折損六橋絲何時向窗下翦殘紅燭夜杪參移

題

原鈔作有感  
毛本同刪

漢宮春

夾鍾商

牡丹

追和尹梅津賦俞園牡丹

花姥來時帶天香國豔羞掩名姝日長半嬌半困宿酒  
微蘇沈香檻北比人間風異煙殊春恨重盤雲墜髻碧  
花翻吐瓊盃洛苑舊移仙譜向吳娃深館曾奉君娛  
猩脣露紅未洗客鬢霜鋪蘭詞沁壁過西園重載雙壺

休漫道花扶人醉醉花卻要人扶

題

毛本首  
二字脫

又

壽梅津

名歷年芳倚竹根新影獨照清漪千年禹梁蘚碧重發  
南枝冰凝素質遣凡桃羞濯塵姿寒正峭東風似海香  
浮夜雪春霏練鵲錦袍仙使有青娥傳夢月轉參移  
逋山傍鶯繫馬玉翦新辭宮妝鏡裏笑人閒花信都遲  
春未了紅鹽薦鼎江南煙雨黃時

羞濯

原鈔濯作  
濁从毛本

又

壽王虔州

懷得銀符捲朝衣歸袖猶惹天香星移太微幾度飛出  
西江吳城駐馬趁鱸肥臘蟻初嘗紅霧底金門候曉爭  
如小隊春行何用倚樓看鏡筭橘中深趣日月偏長  
江山待吟秀句梅鬢催妝東風水煥弄煙嬌語燕飛檣  
來歲醉鵲樓勝處紅圍舞袖歌裳

來歲醉

原鈔醉作酒从毛本

秋霽

雲麓園長橋

一水盈盈漢影隔遊塵淨洗寒綠秋沐平煙日回西照  
乍驚飲虹天北彩闌翠馥錦雲直下花成屋試縱目空

際醉乘風露跨黃鵠 追想縹緲釣雪松江恍然煙蓑  
秋夢重續問何如臨池膾玉扁舟空艤洞庭宿也勝飲  
湘然楚竹夜久人悄玉妃喚月歸來桂笙聲裏水宮六  
六

漢影

原鈔影字  
脫从毛本

醉乘

毛本乘  
作來

花心動

郭清華新軒

入眼青紅小玲瓏飛檐度雲微溼繡檻展春金屋寬花  
誰管采菱波狹翠深知是深多少都不放夕陽紅入待  
裝綴新漪漲翠小圓荷葉 此去春風滿篋應時鎖蛛  
絲淺虛塵榻夜雨試燈晴雪吹梅趁取玳簪重盃捲簾



不解招新燕春須笑酒慳歌盈半窗掩日長困生翠睫

飛檐

毛本檐作簷

吹梅

原鈔吹作次毛本同从詞譜

又

柳

十里東風嫋垂楊長似舞時腰瘦翠館朱樓紫陌青門  
處處燕鶯晴晝乍看搖曳金絲細春淺映鵝黃如酒嫩  
陰裏煙滋露染翠嬌紅溜此際雕鞍去久空追念郵  
亭短枝盈首海角天涯寒食清明淚點絮花沾袖去年  
折贈行人遠今年恨依然纖手斷腸也羞眉畫應未就

金絲細

原鈔細作衫毛本作袖从王校

去年

毛本去作遠

龍山會

夷則商

芙蓉

陪毘陵幕府載酒雙清

石徑幽雲冷步障深深豔錦青紅亞小橋和夢過仙佩  
杳煙水茫茫城下何處不秋陰問誰借東風豔冶最嬌  
嬈愁侵醉頰淚綃紅灑 搖落翠莽平沙競挽斜陽駐  
短亭車馬曉妝羞未墮沈恨起金谷魂飛深夜驚雁落  
清歌醉花倩觥船快瀉去未捨待月向井梧梢上挂

題

毛本作陪毘陵幕府諸名勝載酒雙清賞芙蓉

幽雲冷

詞譜冷作鱗

步障

和

夢過

仙佩

毛本作障作帳過作醒仙作環

醉頰

原鈔頰作霜毛本同從詞譜

淚

綃紅灑

競挽

毛本綃灑二字互誤競字關

醉花倩

原鈔花字脫從毛本毛本

倩字關

去未捨二句

毛本未作來待字脫詞譜作去來捨井梧上有玉蟾遙挂

八聲甘州

靈巖

陪庾幕諸公遊

渺空煙四遠是何年青天墜長星幻蒼厓雲樹名娃金  
屋殘霸宮城箭徑酸風射眼膩水染花腥時鞞雙鴛響  
廊葉秋聲宮裏吳王沈醉倩五湖倦客獨釣醒醒問  
蒼天無語華髮柰山青水涵空闌干高處送亂鴉斜日  
落漁汀連呼酒上琴臺去秋與雲平

題

毛本作陪庾幕  
是諸公遊靈巖

膩水

蒼天

闌干

絕妙好詞膩  
作劔天作波

闌干作  
閣凭

又

姑蘇臺

和施芸隱韻

步晴霞倒影洗閒愁深杯灩風漪望越來清淺吳歛杳

靄江雁初飛輦路凌空九險粉冷濯妝池歌舞煙霄頂  
樂景沈暉別是青紅闌檻對女牆山色碧澹宮眉問  
當時遊鹿應笑古臺非有誰招扁舟漁隱但寄情西子  
卻題詩閒風月暗消磨盡浪打鷗磯

青紅

鐵網珊瑚  
青作新

宮眉

原鈔宮作空  
毛本同  
從鐵網珊瑚

當時

寄情

鐵網珊瑚  
當時  
作姑餘寄作賦

又

和梅津

記行雲夢影步凌波仙衣翦芙蓉念杯前燭下十香搵  
袖玉煥屏風分種寒花舊盞蘇土蝕吳蛩人遠雲槎渺  
煙海沈蓬重訪樊姬鄰里怕等閒易別那忍相逢試

潛行幽曲心蕩口恩恩井梧彫銅鋪低亞映小眉瞥見  
立驚鴻空惆悵醉秋香畔往事朦朧

恩恩

原鈔上未空格从  
王校杜校補更字

新雁過妝樓

夾鍾羽

夢醒芙蓉風檐近渾疑佩玉丁東翠微流水都是惜別  
行蹤宋玉秋花相比瘦賦情更苦似秋濃小黃昏紺雲  
暮合不見征雁宜城當時放客認燕泥舊迹返照樓  
空夜闌心事鐙外敗壁寒蛩江寒夜楓怨落怕流作題  
情腸斷紅行雲遠料澹蛾人在秋香月中

題

原鈔作秋感毛本同  
陽春白雪無題据刪秋濃

陽春白雪

又

中秋後一夕李方庵月庭延客命小妓過新水令坐

閒賦詞

閨苑高寒金樞動冰宮桂樹年年翦秋一半難破萬戶  
連環織錦相思樓影下鈿釵暗約小簾閒共無眠素娥  
慣得西墜闌干誰知壺中自樂正醉圍夜玉淺鬪嬋  
娟雁風自勁雲氣不上涼天紅牙潤沾素手聽一曲清  
歌雙霧鬢徐郎老恨斷腸聲在離鏡孤鸞

淒涼犯

仙呂調犯雙調

按白石道人歌曲雙調作商調原鈔是調有姜夔綠楊巷

陌一  
闕刪

重臺水仙

空江浪闊清塵凝層層刻碎冰葉水邊照影華裾曳翠

露搔淚溼湘煙暮合口塵襪凌波半涉怕臨風口欺瘦  
骨護冷素衣疊樊姊玉奴恨小鈿疏脣洗妝輕怯汜  
人最苦粉痕深幾重愁壓花隘香濃猛熏透霜綃細摺  
倚瑤臺十二金錢暈半掐

塵襪

欺瘦骨

原鈔塵上欺上未空  
格毛本同竝从王校霜綃

半掐

毛本

綃作絹  
掐字闕

尾犯

黃鍾宮

原鈔是調有柳永夜  
兩滴空階一闕刪

贈陳浪翁重客吳門

翠被落紅妝流水膩香猶共吳越十載江楓冷霜波成  
纈鐙院靜涼花乍翦桂園深幽香旋折醉雲吹散晚樹  
細蟬時替離歌咽長亭曾送客爲偷賦錦雁留別淚

接孤城渺平蕪煙闊半菱鏡青門重售采香隄秋蘭共  
結故人憔悴遠夢越來谿畔月

題

毛本陳  
字脫

鐙院靜

爲偷賦

毛本靜作  
靚爲字脫

谿畔月

按吟  
字應

用平聲  
疑誤

又

甲辰中秋

紺海掣微雲金井暮涼梧韻風急何處樓高想清光先  
得江汜冷冰綃乍洗素娥怵菱花再拭影留人去忍向  
夜深簾戶照陳迹竹房落徑小對日暮數盡煙碧露  
蓼香涇記年時相識二十五聲聲秋點夢不認屏山路  
窄醉魂幽颺滿地桂陰無人惜



風急

毛本急作息

江汜

鄭文焯曰汜疑妃譌

素娥怵

對日句

香

涇

毛本怵作歡對日句作對日莫教煙碧涇作輕

東風第一枝

大石調

傾國傾城非花非霧春風十里獨步勝如西子妖嬈更  
比太真澹泞鉛華不御漫道有巫山洛浦似恁地標格  
無雙鎖鎖畫樓深處 曾被風容易送去曾被月等閒  
留住似花翻使花羞似柳任從柳妒不教歌舞恐化作  
彩雲輕舉信下蔡陽城俱迷看取宋玉詞賦

題

原鈔作情刪

澹泞

原鈔泞作汜毛本同从杜校

化作

原鈔作字脫毛本同从詞譜

夜合花

黃鍾商

自鶴江入京泊葑門有感

柳暝河橋鶯晴臺苑短策頻惹春香當時夜泊溫柔便  
入深鄉詞韻窄酒杯長翦蠟花壺箭催忙共追遊處凌  
波翠陌連棹橫塘十年一夢淒涼似西湖燕去吳館  
巢荒重來萬感依前喚酒銀罌谿雨急岸花狂趁殘鴉  
飛過蒼茫故人樓上憑誰指與芳草斜陽

鶯晴

原鈔晴作暗毛本  
同从歷代詩餘

銀罌

蒼茫

毛本罌作  
缸蒼作滄

探春慢

憶兄翁石龜

落徑深念斷無故人輕敲幽戶細草春回目送流光一  
羽重雲冷哀雁斷翠微空愁蝶舞蕩鳴漸遊蓬小夢枕  
殘雲驚寤還識西湖醉路向柳下竝鞍銀袍吹絮事

影難追那負鐙牀聞雨冰谿憑誰照影有明月乘興去  
暗相思梅孤瘦共江亭暮

探春慢

按此調見白石道人歌曲別是一體是作句律與集中探芳新同惟起二字未合疑若徑

二字誤倒同爲自題毛本作龜翁下世後登研意按度腔而異其名也是戴復古石屏集有京口別石龜翁際可詩浩然齋雅談翁時可與吳君特爲親伯仲題稱石龜爲兄意亦時可昆弟行也落徑二句毛本作落徑曲蕩鳴澌毛本作遊蓬按蓬疑深深不見故人

毛本雲  
蕩鳴澌  
遊蓬  
殘雲

字脫